

रोमियों के नाम पौलुस प्रेरति की पत्री रोमियों अन्द हेसुर पौलुस प्रेरति उन चट्ठी परचिय

रोमियों अन्द कतिब आग सकतद प्रेरति पौलुस ५४-५८ वर्षगोळ बीच दा यीशु मसीह अन्द जनम इन बाददा लखिसकु आगीत. पौलुस ईगासताका रोमियोंगोळ्द दवरा ईला ताकोंडीदुन, इदुरसाटी आंदुर ईद चट्ठी रोम दा ईसाईगोळी नरिदेश कोळोर साटी कळुदुर, येढु यहुदी अदकि गैरयहुदी. आंदुर कुरन्थियों शयर टु चट्ठी लखिसीदुर, येल आंदुर आ समय ईरतोगोर. पौलुस लखिसदुन कि सप्पा राष्ट्र यीशु मसीह १६:२६ मा वशिवास अदकि पालन माळ सकुल.

रोमियोंगोळ्द कतिब हर जागी अदकि हर समय ईसाईगोळ साटी ऊंद खास कतिब आद यतकी पौलुस आसान रूप देल अदकि वळलीद तरीका देल समझुसतान कि नाव यीशु मसीह अन्द उद्धार इन बारा दा हेळ सकतार. पौलुस यीशु मसीह अन्द खुशखबरी इक हाळोद नियम देल भी जोळ्सदुन. हापाळ ग्यानी लांकुरद तर्क आद कि कतिब दा सब से खास कवति १:१६ आद जो अनतद, “नानी खुशखबरी देल येनु शरम हैलेच, यतकी ईद सप्पा मुंदुरद उद्धार इन साटी परमेश्वर उन ताकत हुन, पयले यहुदीगोळ साटी बाक गैरयहुदीगोळ साटी जो हगि मान्सतार.” रोमियोंगोळ्द पयला भाग रोमियों १-१२ गयरा न्यायशास्त्र आद अदकि दुसरा भाग १३-१५ दा ईसाई जीवन इन साटी हापाळ व्यावहारिक नरिदेश आव.

रूप-रेखा

१. पौलुस साधारण रूप देल तान पयचान कोळतेला तान चट्टी अन्द सुरूवात माळतान अदकि अनतान कऱ आव यारी लखिसेत्यान १:१-१५
२. इदुर बाददा आव यीशु मसीह अन्द जरीया देल मळसा जाती अन्द स्थिति अदकि संभावति उद्धार इन बारा दा लखिसतान १:१६-११:३६
३. इदुर बाददा पौलुस ईसाई जीवन जीऊसोर साटी हापाळ व्यावहारिक नरिदेश कोळतान १२:१-१५:१३
४. आव रोम इन अध्याय १६ दा मंडली अन्द लॉकुरी हापाळ शुभकामना कोटकु रोमियों अन्द कतिब इक खतम माळतान.

१ पौलुस उन दी टु जो यीशु मसीह अन दास आन, अदकि यारी परमेश्वर प्रेरति आगोर साटी कारस्यान, अदकि परमेश्वर उन आ खुशखबरी इन प्रचार इन साटी अलग माळकु आत. २ यारी पयले अच संदेश कोळावाळेर्द द्वारा प्रतगिया माळकु आत, हयांग पवत्रिशास्त्र दा लखिसकु आग्याद. ३ अद आऊन पार उन बारा दा हुन; आव मय इन भाव देल रा दाऊद उन वंश देल पैदा आदुन. ४ अदकि पवत्रिता अन आत्मा अन भाव देल सोत्तुर दा टु जतिता आगोद कारण सामर्थ्य अन सांगुळ परमेश्वर उन पार ठहरूसकु आदुन; आव यीशु मसीह नाम प्रभु हुन. ५ आऊंदा द्वारा परमेश्वर नामी अनुग्रह कोट्टुन कऱ प्रेरिताई सकिल, ताकी सप्पा गैरयहूदी लॉकुर आऊन हेसुर मा वशिवास माळुल अदकि आग्या अन पालन माळुल. ६ इदुर दा नीव भी शामलि आईर जो रोम दा ईरतीर, यारी परमेश्वर यीशु मसीह नोर आगोर साटी कारस्यान. ७ आ सप्पा मुंदुर हेसुर ना लखिसेतीन जो रोम दा परमेश्वर उन प्रयि आर, अदकि आंदरी परमेश्वर तान लॉकुर आगोर साटी कारस्यान. नाम आप्प परमेश्वर अदकि प्रभु यीशु मसीह अन दी टु नीमी अनुग्रह अदकि शांती सकितेला ईरूल.

धन्यवाद इन प्रार्थना

8 पयले ना नीम सप्पा मुंदुर साटी यीशु मसीह अन द्वारा तान परमेश्वर उन धन्यवाद माळतीन, यतकी नीम वशिवास इन बारा दा पुरा दुनिया दा चर्चा आगेत्याद. 9 परमेश्वर यार्द स्यावा ना तान आत्मा देल आऊन पार उन खुशखबरी इन बारा दा माळतीन, आवा नान गवाह आन कऱि ना नीमी याता प्रकार लगातार याद माळत ईरतीन, 10 अदकि लगातार तान प्रार्थनागोळ दा ना हमेशा अच वनिती माळतीन कऱि यातोदारा रीतऱि देल ईग नीम हाती बरोद नान यात्रा परमेश्वर उन इच्छा देल सफल आगुल. 11 यतकी ना नीम से मलिसोद इच्छा हापाळ ईटतीन कऱि नीम सांगुळ आत्मकि आशीषगोळ वाट्स सकाईन यदुर देल नीमी सामर्थ्य सकुल; 12 मतलब ईद कऱि याग ना नीम बीच दा आगाईन, रा नामी आ वशिवास इन द्वारा जो नान दा अदकि नीम दा आद, आबुर दाबुर से प्रोत्साहन सकुल. 13 *हे वारटुरा अदकि आकतींगेरा, ना घळी घळी नीम हाती बरोद चाहासदीन, कऱि ह्यांग नानी गैरयहूदीगोळ दा वहासा वशिवासीगोळ्द काय सकुल, हांग अच नीम दा भी सकुल, लेकीन ईगासताका रूकावटगोळ बंदव. 14 ना सप्पा लॉकुरद कर्जदार आईन यूनानीगोळ्द अदकि गैर यूनानीगोळ्द, कलत्कु अदकि अशक्षितीगोळ्द. 15 इदुरसाटी ना नीमी भी जो रोम नगर दा ईरतीर, खुशखबरी केळसोर साटी हापाळ उत्साहीत आईन.

खुशखबरी इन सामर्थ्य

16 *यतकी ना खुशखबरी देल नाचालीन, इदुरसाटी कऱि अद हर ऊंद वशिवास माळावाळा अन साटी, पयले रा यहूदी बाक गैरयहूदी, यतकी ईद उद्धार तरावाळा परमेश्वर उन सामर्थ्य हुन. 17 यतकी खुशखबरी ईद प्रगट माळतद कऱि परमेश्वर

✧ 1:13 १:३३ प्रेरतिगोळ १९:२१

✧ 1:16 १:३६ मरकुस ८:३८

मंळसागोळी तान प्रती सही ह्यांग माळतान ईद सुरूवात टु आखरी ताका वशिवास इन द्वारा अच आद. ह्यांग का शास्त्र दा लखिसकु आद, “जो मंळसा परमेश्वर उन सांगुळ न्यायी आन आव वशिवास इन द्वारा जतिता ईततान.”

मंळसा जाती इन पाप

18 परमेश्वर उन सट्टि रा आ लॉकुरद पाप अदकि बुराई मा स्वर्ग टु प्रगट आगतद, जो सत्य अक बुराई देल वोतकु ईटतार. 19 इदुरसाटी का परमेश्वर उन ग्यान आंदुरद मनगोळ दा प्रगट आद, यतकी परमेश्वर आंदुर मा प्रगट माळयान. 20 यागी टु परमेश्वर दुनया अनूद रचना माळदुन आगी टु आऊन अदृश्य वशिषतागोळ, मतलब अननूत ताकत अदकि आऊन दैविक स्वभाव आ वस्तुगोळ दा जो परमेश्वर रचयान पुरा रीती देल साफ काळसकु बळितद. इदुरसाटी आ लॉकुर हातती येनु बहाना हैलेच. 21 *यतकी आंदुर परमेश्वर उक अरूतार लेकीन जो आऊन सम्मान आद अद आऊक कोळालुर अदकि ना धन्यवाद माळतार. लेकीन आऊन जागा आंदुर वचिर पुरा रीती देल नरिर्थक आग्याव अदकि आंदुरव खाली दमाक अंधार देल तुम्मेग्याव. 22 आंदुर तान तान इक बुद्धमिान सम्सतार लेकीन मूर्ख आर, 23 अदकि अविनाशी परमेश्वर उन महमिा अक नाशवान मंळसागोळ, पक्षीगोळ, नाक कालवाळा जनावरगोळ, अदकि रेंगसावाळा कळिागोळ मूर्ति इन समानता दा आंदुर बदलुस बुदुर. 24 ई कारण परमेश्वर आंदरी आंदुर मन इन अभलिाषागोळ अनुसार अशुध्दता अन साटी बट्टि बुदुन का आंदुर आपस दा तान शरीर इन अनादर माळुल. 25 यतकी आंदुर परमेश्वर उन सच्चाई अक बदलुसकु खवाटा माळ बुदुर, अदकि परमेश्वर उन बदला दुनया अन उपासना अदकि स्यावा माळदुर यदरी आव घळुसयान, ना का आ माळावाळा अनूद

जो हमेशा धन्य आन! आमीन. 26 इदुरसाटी परमेश्वर आंदरी नीच वासनागोळ कय दा सोप्स बुट्टुन; ईल ताका की आंदुर आर्तेर स्वाभावकि यौन संबंधगोळ बदला अस्वभावकि यौन संबंध ईटली कुरतुर. 27 हांग अच गंळसुर भी आर्तेर सांगुळ स्वाभावकि व्यवहार बटिकु आपस दा कामातुर आगकु होतली हतदुर, अदकि गंळसुर दुसरा गंळसुर सांगुळ नरिलज क्याल्सा माळकु तान गलत कर्मगोळद सजा ताकांडुर. 28 याग आंदुर परमेश्वर उक अरोद चाहासीदील, रा परमेश्वर भी आंदरी आंदुरद भ्रष्ट मन मा बटि बुट्टुन की आंदुर अनुचति क्याल्सा माळली हतुल जो ईला माळ पाहीजे होता. 29 इदुरसाटी आंदुर सपपा प्रकार इन अन्याय, दुष्टता, लोभ, अदकि अनैतिकता देल तुम्गेयार; अदकि आंदुर जलन, हत्या, अदकि झगळा, छल कपट, अदकि बुराईगोळ देल तुम्मेदुर, अदकि चुगलीखोर आगेदुर, 30 अदकि आबुर दाबुर बुराई माळावाळेर, परमेश्वर उन अपमान माळावाळेर, अदकि अय्यासी माळावाळेर, घमण्डी अदकि अहंकारी, अदकि बुराई माळेर साटी अनेक हादी दुंदसावाळेर, अदकि मोय आप्पुरद आग्या ईला मान्सावाळेर बन्सतार, 31 आंदुर मन इन कमजोर, अदकि तान कोळद वचन मुरावाळेर, अदकि आबुर दाबुरद प्रती नरिदयी आगेग्यार. 32 आंदुर जान्सतार की परमेश्वर उन व्यवस्था येन अनतद जो लॉकुर ई हादी मा नळुतार आंदुर मृत्यु दण्ड इन लायक आर, तरी भी ई लॉकुर ना सरिफ आ क्याल्सागोळी माळतार उलटा हांग माळावाळेर इक साथ भी कोळतार.

2

परमेश्वर उन न्याय

1 *इदुरसाटी हे दोष हचावाळा, नी यावारा येती आगबाळुल, नी नरित्तर आय; यतकी याता मात दा नी दुसरा मा दोष

* 2:1 २:१ मत्ती ७:१; लूका ६:३७

हचत्या अदा मात दा तान तान इक भी दोषी ठहरूसत्या, इदुरसाटी की नी जो दोष हचत्या खुद अच अद क्याल्सा माळत्या. ² यतकी नाव जान्सतेव की जो लॉकुर हगि क्याल्सा माळतार, परमेश्वर आदुरद सचचाई देल न्याय माळतान. ³ लेकीन हे मळसा, नी जो हगि-हगि क्याल्सा माळावाळेर मा दोष हचत्या अदकि खुद अच अव क्याल्सा माळत्या; येन ईद समसत्या की नी परमेश्वर उन न्याय देल ऊळदोद्या? ⁴ येन नी आऊन महान दया, अदकि शहनशीलता, अदकि धीरज इक तुच्छ जानसत्या? येन नी सही दा ईद समसाल की परमेश्वर उन दया नीनी मन फराव दी ओयतद? ⁵ लेकीन नी तान कठोरता अदकि जीददी मन इन कारण आ दनि इन साटी, जो दनि परमेश्वर उन सटिट अदकि खरा न्याय प्रगट आदीत, नी तान साटी दण्ड तयार माळेत्या. ⁶ परमेश्वर नाम सप्पा मुंदुरी तान कर्मगोळ्द हसिाब देल प्रतफिल कोट्टान: ⁷ जो लॉकुर वळ्लीद क्याल्सा दा हतकु ईरतार परमेश्वर उन दी टु सीकतद महमा, आदर, अदकि अमरता अन खोज दा आर, आंदरी परमेश्वर अनन्त जीवन कोट्टान; ⁸ लेकीन जो लॉकुर मतलबी आर अदकि जो सचचाई इक सुवीकार माळतार. ताकी बुरा क्याल्सा माळ सकुल ईत्ता लॉकुर मा परमेश्वर तान सटिट अदकि प्रकोप पलटुस्यान. ⁹ दुख अदकि परेशानी हर ऊंद मळसा मा जो बुराई माळतान बंदीत, पयले यहूदी मा बाक गैरयहूदीगोळ मा; ¹⁰ लेकीन परमेश्वर जो वळ्लेव क्याल्सा माळतार आंदरी महमा, आदर अदकि शांती प्रदान माळ्यान, पयले यहूदीगोळ इक बाक गैरयहूदीगोळ इक. ¹¹ यतकी परमेश्वर बनिा पक्षपात देल सप्पा मुंदुरद न्याय माळतान.

¹² गैरयहूदीगोळ हात्ती मूसा अन्द व्यवस्था हैलेच अदकि आंदुरद न्याय भी बनिा व्यवस्था देल आदीत, यहूदीगोळ हात्ती मूसा अन्द व्यवस्था आद अदकि आंदुरव माळदव पापगोळ

न्याय व्यवस्था अन अनुसार अच आदीत. 13 यतकी परमेश्वर उन मान्या व्यवस्था अक केळावाळेर न्यायी हैलेच, लेकीन व्यवस्था मा नळावाळेर न्यायी ठहरूसकु आदार. 14 गैरयहूदी लॉकुर यार हात्ती व्यवस्था हैलेच, लेकीन आंदुर तान तान दा व्यवस्था मा नळुतार, इदुरसाटी आंदुर तान तान दा अच व्यवस्था आर, जब की आंदुर हात्ती मूसा अनन्द व्यवस्था हैलेच. 15 आ लॉकुरद चाल चलन तोरसतद क व्यवस्था आंदुरद दलिंगोळ दा लखिसकु आग्याद. अदकि आंदुरव मन भी अनताव क ईदा सत्य हुन, अदकि ईदरी हुडुकु आंदुरव वचार आंदरी यागलु नरिदोष या यागलु अपराधी ठहरूसताव; 16 आ दशी परमेश्वर नान प्रचार माळद खुशखबरी इन अनुसार परमेश्वर यीशु मसीह अन द्वारा मंळसागोळ गुप्त वचारगोळद न्याय माळ्यान.

यहूदी अदकि व्यवस्था

17 अगर नी तान तान इक यहूदी अनत्या, अदकि नीनी तान परमेश्वर मा अभमान आद, 18 अदकि नीनी मालूम आद क परमेश्वर नीन से येन माळसुसोद चाहासतान अदकि सही मातगोळ इक नविळुसोद नी व्यवस्था देल कलत्या; 19 अदकि तान तान मा भरोसा ईटतान क ना कुढ्ढगोळव अगुवा, अदकि अंधकार दा बदिक् आर आंदुर ज्योती, 20 मुखगोळ इक नरिदेश कोळावाळा, अदकि भोला मंळसा गोळोव शकिषक आन. अदकि नी सही आय कजिो नयिम शास्त्र नीन हात्ती आद, अदुरदा पुरा सत्यता अदकि पुरा ग्यान इन समावेश आद. 21 इदुरसाटी येन नी जो दुसरागोळी कलसत्या, तान तान मा येती लागु माळाल? येन नी जो काळलपन ईला माळोद शकिषा कोळत्या, खुद अच काळलपन येती माळत्या? 22 नी जो अनत्या, “व्यभचार ईला माळ पायजे,” रा खुद अच व्यभचार येती माळत्या? नी जो मूर्तीगोळ से घृणा माळत्या, येन खुद अच मंदरिगोळी येती

लुट्सत्या? 23 नी जो व्यवस्था अन बारा दा घमण्ड माळत्या, रा खुद परमेश्वर उन व्यवस्था ईला मानसकु परमेश्वर उन अनादर माळत्या? 24 “यतकी नीम कारण गैरयहूदीगोळ दा परमेश्वर उन हेसुर इन अपमान माळकु आगतद,” ह्यांग शास्त्र दा लखिसकु आद.

25 अगर नी व्यवस्था अन्द पालन माळ्या रा खतना देल लाभ रा आद, लेकीन अगर नीव व्यवस्था अन उल्लंघन माळत्या रा नीद खतना बनिा खतना अन्द दशा ठहरूसत. 26 इदुरसाटी अगर गैरयहूदी यार्द खतना आगीदील तरी भी व्यवस्था अन्द पालन माळतान रा येन आऊन खतनारहति आगदुर मा भी खतना माळकु आत आळुकु आगतीदील? 27 अदकि खुद यहूदीगोळी गैरयहूदीगोळ द्वारा दोषी ठहरूसकु आदीत जब की नीम हात्ती लखिसद व्यवस्था अदकि खतना माळकु आगीर लेकीन गैरयहूदी व्यवस्था अन पालन माळतार जब की आंदुरद शारीरकि रूप देल खतना आगीदील. 28 ऊंद खरा यहूदी यार्द सही दा खतना आग्याद, आव याव हुन? खरा यहूदी आव आलच जो सरिफ बाहरी रूप देल यहूदी आन, यार्द खतना सरिफ शारीरकि आद. 29 लेकीन खरा यहूदी आवा हुन जो बुळकटु यहूदी आन; यार्द दलि देल खतना आग्याद अदकि ईद परमेश्वर उन आत्मा अन्द कयालसा हुन, ना कलिखिसद व्यवस्था अन्द. ईत्ता मंळसा परमेश्वर उन दी टु प्रशंसा पाऊस्यान ना कलि मंळसा अन दी टु.

3

1 इदुरसाटी गैरयहूदीगोळ मुंद नीमद यहूदी आगोद येन फायदा? अदकि नीमद खतना अन्द येन लाभ? 2 सप्पा प्रकार देल हापाळ लाभ आद. पयले रा ईद कलि परमेश्वर उन वचन यहूदीगोळी कोटकु आग्याव. 3 अगर येनारा यहूदी वशिवासघाती होट्टुर भी रा येन आत? येन आंदुर वशिवासघाती

आगदुर देल परमेश्वर उन सच्चाई बेकार ठहरूसीत? 4 यागलु ईला! लेकीन परमेश्वर खरा आन अदकि हर ऊंद मंळसा ख्वाटा ठहरूस सकतान, ह्यांग शास्त्र दा लखिसकु आद, “याग नी खुद इन बचाव दा माताळ्या आग नी सही ठहरूस्या अदकि न्याय माळावती नीनी जीत प्राप्त आदीत.” 5 इदुरसाटी अगर नाम गलत क्वाल्सा परमेश्वर उक सही ठहरूस बुळतद, रा नाव येन अंदेव? येन ईद कि परमेश्वर जो दण्ड कोळतान गलत माळतान? ईद रा ना साधारण सवाल केळीतीन. 6 यागलु ईला! ईदारा परमेश्वर ह्यांग दुनिया अन न्याय माळ्यान? 7 अगर नान झूठ इन कारण परमेश्वर उन सच्चाई आऊन महमा अन साटी, यक्कुल माळकु प्रगट आत रा बाक येती पापी अन घाई ना दण्ड इन साटी ठहरूसकु आगतीन? 8 “नाव येती बुराई माळेव किभलाई होळुल?” ह्यांग नाम मा ईदा दोष हचकु भी आगतद, अदकि येनारा अनतार कि इंदुरद ईदा अनोद आद. लेकीन ईत्तोरी दोषी ठहरूसोद ठीक आद.

याऊ न्यायी हैलेच

9 रा बाक येन आत? येन नाव यहूदी आ गैरयहूदीगोळ से वळ्लेर आयेव? यागलु ईला; यतकीं नाव यहूदीगोळ अदकि गैरयहूदीगोळ येदु मा ईद दोष हच कोंडेव कि आंदुर सप्पा च्या सप्पा पाप इन वश दा आर. 10 ह्यांग शास्त्र दा लखिसकु आद:

“याऊ न्यायी हैलेच, ऊंद भी हैलेच.

11 याऊ समझदार हैलेच;

याऊ परमेश्वर उक दुंडसावाळा हैलेच.

12 सप्पा परमेश्वर उन से भटकसेग्यार, सप्पा च्या सप्पा नकिम्मा बनसेग्यार;

याऊ भलाई माळावाळा हैलेच, ऊंद भी हैलेच.

13 आंदुरद कुतक्या खुल्सद कबर हुन,

आंदुर तान ल्यालग्यागोळ देल छल माळ्यार,

आंदुर्द टुट्टीगोळ दा हावगोळ्द जहर आद.

14 आंदुर्द बाय श्राप अदकि कळवाहट देल तुमकु आद.

15 आंदुर काल खुन वाहुस्ली फुर्तीला आव,

16 आंदुर हादीगोळ मा नाश अदकि क्लेश आद,

17 आंदुर शांती इन हादी अरालुर.

18 *आंदुर्द कण्णगोळ मुंद परमेश्वर उन
अंज्क हैलेच.”

19 नाव जान्सतेव की व्यवस्था जो येनारा अनतद आंदुर से अच अनतद, जो व्यवस्था अन हातती आर; इदुरसाटी की हर ऊंद बाय बंद माळकु आगुल अदकि पुरा दुनिया परमेश्वर उन न्याय इन लायक ठहरूसुल; 20 *यतकी व्यवस्था अन क्याल्सागोळ देल यातोदु मंळसा परमेश्वर उन मुंद न्यायी ठहरूसतीदील, इदुरसाटी की व्यवस्था अन द्वारा पाप इन पयचान आगतद.

वश्वास द्वारा न्यायीपन

21 लेकीन ईग व्यवस्था टु अलग परमेश्वर उन अद न्यायीपन प्रगट आग्याद, यदुर्द गवाही मूसा अन व्यवस्था अदकि भवषियवक्ता कोळतार, 22 *मतलब परमेश्वर उन अद न्यायीपन जो यीशु मसीह मा वश्वास माळदुर देल सप्पा वश्वास माळावाळेर साटी आद. यतकी येनु फरक हैलेच; 23 इदुरसाटी की सप्पा मुंदुर पाप माळ्यार अदकि परमेश्वर उन महमा देल हापाळ दुर आर, 24 लेकीन आऊन अनुग्रह देल आ छुटकारा अन द्वारा जो मसीह यीशु दा आद, सप्पा च्या सप्पा न्यायी ठहरूसकु आगतार. 25 यीशु उक परमेश्वर आऊन रक्ता अन द्वारा ऊंद हगि प्रायश्चति बली ठहरूसदुन, जो वश्वास माळदुर देल कार्यकारी आगतद, की जो पाप पयले माळकु

* 3:18 ३:१८ भजन संहिता ३६:१ ☆ 3:20 ३:२० गलातगिोळ २:१६ ☆ 3:22 ३:२२ गलातगिोळ २:१६

आग्याव अदकि यऊर मा परमेश्वर तान सहनशीलता अन कारण ध्यान कोटीदील. यीशु उन रक्ता अन बारा दा आव तान न्यायीपन प्रगट माळुल. ²⁶ लेकीन ईदा समय आऊन न्यायीपन प्रगट आगुल कयिदुर देल आव खुद अच न्यायी ठहूसुल, अदकि जो यीशु मा वशिवास माळुल आऊन भी न्यायी ठहूसावाळा ईरूल. ²⁷ रा घमण्ड येल आद? अदकि घमण्ड इक व्हार्या माळकु आत? येन नाव व्यवस्था अन पालन माळतेव? ईला, लेकीन नाव वशिवास माळतेव इदुरसाटी. ²⁸ इदुरसाटी नाव ईद परणाम मा पोहचुसतेव किमंळसा व्यवस्था अन क्याल्सागोळ से अलग आन, मंळसा परमेश्वर मा वशिवास इन द्वारा अच न्यायी ठहूसुतान. ²⁹ या परमेश्वर सरिफ यहूदीगोळव अच हुन? येन गैर यहूदीगोळव परमेश्वर हैलेच? नशिचति अच आव गैर यहूदीगोळव भी परमेश्वर हुन. ³⁰ *यतकी ऊंद अच परमेश्वर आन, जो यहूदीगोळी वशिवास देल अदकि गैरयहूदीगोळी भी वशिवास इन द्वारा न्यायी ठहूसुयान. ³¹ रा येन नाव व्यवस्था अक वशिवास इन द्वारा बेकार ठहूसतेव? यागलु ईला! लेकीन व्यवस्था अक कायम ईटतेव.

4

अब्राहम उन उदाहरण

¹ इदुरसाटी नाव येन अंदेव नाम शारीरकि आप्प अब्राहम उक येन हासलि आत? ² यतकी अगर अब्राहम क्याल्सागोळ देल न्यायी ठहूसकु आगायदुन, रा आऊक घमण्ड माळोद जागा ईराईत, लेकीन परमेश्वर उन नजर दा ईला. ³ *पवतिरशास्त्र येन अनतद? ईद कि “अब्राहम परमेश्वर मा वशिवास माळदुन, अदकि आऊन वशिवास इन कारण परमेश्वर आऊक न्यायी ठहूसदुन.” ⁴ क्याल्सा माळावाळा अन्द मजदूरी कोळोद

☆ 3:30 ३:३० गलातगिोळ ३:२०

☆ 4:3 ४:३ गलातगिोळ ३:६

दान आलच, लेकीन हक्क सम्सकु आगतद. ⁵ लेकीन जो वशिवास मा नरिभर ईरतान ना कि क्वाल्सागोळ मा, अदकि परमेश्वर मा वशिवास माळतान जो परमेश्वर अभक्तहिनि उक भक्तहिनीन माळतान, आऊन ईदा वशिवास देल परमेश्वर आऊक न्यायी ठहूसतान. ⁶ यारी परमेश्वर बनिा कर्मगोळ्द न्यायी ठहूसतान, आऊक दाऊद भी धन्य अनतान:

⁷ धन्य आर आंदुर यारव अन्याय माफ आदव, अदकि यारव पाप होतुरसकु आदव.

⁸ धन्य आन आ मळसा यारी परमेश्वर पापी ठहूसतीदील.

⁹ “जो धन्य आगोद मात दाऊद अनेत्यान, येन खतना माळ्द यहूदीगोळ्द साटी अच हुन या बनिा खतना माळ्द गैरयहूदीगोळ्द साटी भी हुन. अब्राहम परमेश्वर मा वशिवास माळदुन अदकि आऊन वशिवास इन कारण अच परमेश्वर आऊक न्यायी स्वीकार माळदुन.” ¹⁰ रा ईद याग आत? येन याग आऊन खतना आगेगीत या आव बनिा खतना अन्द ईरोन. ईला, खतना अन बाद्दा ईला उलटा खतना आगा पयले हगि आत. ¹¹ अदकि आऊन खतना आगोद अद ऊद चनिह बन्सत कि तोरस सकुल कपरमेश्वर आऊक खतना आगा पयले अच आऊन वशिवास इन द्वारा न्यायी स्वीकार माळदुन. अदकि अब्राहम सप्पा वशिवासीगोळ्द आत्मकि आप्प बन्सदुन यतकी आंदुर बनिा खतना नोर आर लेकीन वशिवासी आर, इदुरसाटी आंदुर भी न्यायी ठहूसकु आदार. ¹² अदकि आव आंदुर भी आप्प हुन यार्द खतना आग्याद, आ लॉकुर सरिफ खतना माळकु ना ईला ईरोर उलटा नाम आप्प अब्राहम उन वशिवास इन पद चनिहगोळ मा नळावाळेर ईरोर आव अब्राहम जो खतना आगोर से पयले नळदुन.

वशिवास इन द्वारा परमेश्वर उन प्रतगिया सकिोद

13 ✨याग परमेश्वर अब्राहम अदकि आऊन वंशजगोळ से प्रतगिया माळदुन कि आदुर दुनिया अन्द वारीस आदार, ईद प्रतगिया अब्राहम उक व्यवस्था अन पालन माळदुर देल अच सकदील लेकीन आव वशिवास माळदुन अदकि आव परमेश्वर उन द्वारा न्यायी स्वीकार माळकु आदुन ई कारण अच सकित.

14 ✨अदकि इदुरसाटी अगर नीव मानसतीर कि परमेश्वर उन कोळद प्रतगिया ईद व्यवस्था अन पालन माळावाळेर कारण सकित रा नीमद वशिवास बेकार अदकि परमेश्वर उन कोळद प्रतगिया भी बेकार आद. 15 यतकी व्यवस्था देल परमेश्वर उन सट्टि पैदा आगतद, लेकीन यल व्यवस्था हैलेच, अल अदुरद उल्लंघन भी हैलेच. 16 ✨ईदा कारण प्रतगिया वशिवास मा आधारति आद अदकि ईद प्रतगिया ई सप्पा अब्राहम उन वंशजगोळ साटी परमेश्वर उन मुफ्त उपहार हुन, ईद सरिफ व्यवस्था अन पालन माळावाळेर साटी इच ईला लेकीन आंदुर साटी भी आद जो वशिवास माळतार ह्यांग वशिवास अब्राहम माळदुन यतकी अब्राहम नाम सप्पा मुंदुरव आत्मकि आप्प हुन. 17 ह्यांग शास्त्र दा लखिसकु आद, “ना नीनी हापाळ सा द्याशगोळद आप्प ठहरूसीन” अदकि ईद प्रतगिया परमेश्वर उन नजर दा वळ्ळीद आद. ईव आव परमेश्वर हुन यार मा अब्राहम वशिवास माळदुन अदकि जो सोत्तुरी जतिता माळतान, अदकि ईव आव परमेश्वर हुन जो मातगोळ अस्ततिव दा हैलेच आ मातगोळी अस्ततिव दा तरतान. 18 ह्यांग शास्त्र दा लखिसकु आद, “नी हापाळ सा द्याशगोळद आत्मकि आप्प आद्या. अदकि नीन वंशजगोळ तारागोळ घाई आदार ई मात मा आशा ईटोद येनु कारण ईला ईरोद तरी भी अब्राहम वशिवास अदकि आशा ईटदुन,” 19 यतकी आव लगभग सौ साल इनव आगेगदिन लेकीन आऊन वशिवास आऊन शरीर

✨ 4:13 ४:१३ गलातगोळ ३:२९ ✨ 4:14 ४:१४ गलातगोळ ३:१८ ✨ 4:16 ४:१६ गलातगोळ ३:७

इन घाई कमजोर ईला आगीत ह्यांग की आऊन शरीर लगभग सायापरी आगेगीत अदकि सच्चाई रा ईद भी आद की सारा अन क्वाता भी चगिद उक हाळु ईला सकोद. ²⁰ तरी भी आव तान वशिवास इक बटीदलि अदकि ना आव परमेश्वर उन प्रतगिया मा सक माळदुन आऊन वशिवास आऊक सामर्थ्य देल तुम्त अदकि आव परमेश्वर उन महिमा माळदुन; ²¹ अदकि आऊक पुरा भरोसा ईरोद की परमेश्वर आऊक जो प्रतगिया कोटीदुन, आव अदरी पुरा माळदुर दा भी समर्थ आन. ²² ई कारण परमेश्वर अब्राहम उक आऊन वशिवास इन द्वारा न्यायी स्वीकार माळदुन. ²³ अदकि ईद वचन, “वशिवास इन द्वारा न्यायी स्वीकार माळोद” सरिफ आऊन आबना अन साटी लखिसकु ईला आगति. ²⁴ ऊलटा ईद नाम साटी भी लखिसकु आत जो नाव न्यायी ठहरूसकु आगेव अदकि जो यीशु नाम प्रभु जो सोत्तुर दा टु जतिता आदुन आऊन मा वशिवास माळतार. ²⁵ यतकी आव नाम पापगोळ कारण मृत्यु उन साटी सौप्सकु आदुन अदकि नामी परमेश्वर उन सांगुळ न्यायी ठहरूसोर साटी सोत्तुर दा टु जतिता आदुन.

5

परमेश्वर उन से मेल मलिाप

¹ ईग जो नाव तान वशिवास इन कारण परमेश्वर उन मुंद न्यायी ठहरूसेव, रा नाम प्रभु यीशु मसीह अन कारण परमेश्वर नामी शांती कोटान. ² अदकि ईग आऊंदा द्वारा वशिवास इन कारण नाव परमेश्वर उन अनुग्रह दा जीवन व्यतीत माळतेव. अदकि नाव आ आशा मा घमण्ड माळतेव यदुर द्वारा नामी परमेश्वर उन महिमा अन सांगुळ भागीदारी सकियाद. ³ सरिफ ईटा ईला, यतकी नाव तान आपदगोळ मा घमण्ड माळतेव यतकी नामी मालूम आद नाम आपद धीरज इक उत्पन्न

माळतद. 4 अदकि धीरज देल वळ्लीद चरतिर बनसतद, अदकि वळ्लीद चरतिर देल आशा उत्पन्न आगतद; 5 अदकि ईद आशा नामी नरिश माळाल, यतकी परमेश्वर आऊन प्यार नाम मनगोळ दा हाक्यान, मतलब पवतिर आत्मा जो नाम साटी परमेश्वर उन उपहार हुन.

6 यतकी याग नाव आशाहीन ईरेव, रा ठीक समय मा नाव भक्तहीनगोळ साटी मसीह तान बलदान माळदुन. 7 यावारा न्यायी जन इन साटी यावारा सायुल, ईद रा दुर्लब आद; लेकीन आग सकतद यावारा वळ्लेव मंळसा अन साटी यावारा सायोद भी हमिमत माळुल. 8 लेकीन परमेश्वर नाम मा तान प्यार इन भलाई ई रीति देल प्रगट माळतान क्वा याग नाव पापी अच ईरेव आग भी मसीह नाम साटी सोत्तुन. 9 इदुरसाटी याग क्वा नाव ईग आऊन रक्ता अन कारण न्यायी ठहरूसदेव, रा आऊन द्वारा परमेश्वर उन सट्टि देल येती ऊळसकु आगतीदील? 10 यतकी याग नाव परमेश्वर उन दुश्मन ईरेव लेकीन परमेश्वर तान पार उन मृत्यु उन द्वारा नाम सांगुळ मेल मलाप माळदुन, रा ईग नाव परमेश्वर उन संगी आयेव रा आ मसीह अन जीवन इन द्वारा नाम हापाळ यक्कुल उद्धार आदति. 11 सरिफ ईदा ईला, लेकीन नाव तान प्रभु यीशु मसीह से, यार्द द्वारा नाम परमेश्वर उन सांगुळ मेल मलाप आत, परमेश्वर दा खुश आगतार.

आदम अदकि मसीह

12 इदुरसाटी ह्यांग ऊंद मंळसा अन द्वारा पाप दुनिया दा बत्त, अदकि पाप इन द्वारा मृत्यु बत्त, अदकि ई रीति देल मृत्यु सप्पा मंळसागोळ दा फैलुसेत, यतकी सप्पा मुंदुर पाप माळदुर. 13 व्यवस्था अन कोटकु आगोर से पयले ताका पाप दुनिया दा रा ईरोद, लेकीन येल व्यवस्था हैलेच अल पाप आळदकु आगाल्द. 14 लेकीन आग भी आदम टु मूसा ताका पुरा मृत्यु आ लाँकुर मा राज्य माळत याग क्वा लाँकुर आदम घाई

आग्या मुरोद पाप माळीदलि तरी भी पापी ठहरूसीदील, जो आ बरावाळा अन चमत्कार हुन, आ अपराध घाई पाप माळीदलि.

15 लेकीन ह्यांग अपराध इन दशा आद, हांगा अनुग्रह अन वरदान इन हैलेच, यतकी याग ऊंद आदम उन अपराध देल हापाळ लॉकुर सोत्तुर, रा परमेश्वर उन अनुग्रह अदकि आऊन जो दान ऊंद मंळसा अन, मतलब यीशु मसीह अन अनुग्रह देल हापाळ लॉकुरी कृपा सकित. 16 अदकि परमेश्वर उन भेंट अदकि ऊंद मंळसा अन पाप ई येदुदा दा फरक आद. तरी भी पाप इन कारण दोष इन न्याय बत्त, लेकीन हापाळ पुरा पापगोळ्द बाददा अदकि नरिदोष आगोद यदुरद नाव लायक ईला ईरेव अद भेंट बत्त. 17 यतकी याग ऊंद मंळसा अन अपराध इन कारण मृत्यु आ ऊंद मंळसा अन द्वारा अच राज्य माळ्त्त, रा जो लॉकुरी अनुग्रह अदकि न्यायरूपी वरदान बहुतायत देल सकितद आंदुर ऊंद मंळसा अन, मतलब यीशु मसीह अन द्वारा जरूरी अच अनन्त जीवन दा राज्य माळ्यार.

18 इदुरसाटी ह्यांग ऊंद अपराध सप्पा मंळसागोळ साटी दण्ड इन आग्या अन कारण आत, हांग अच ऊंद न्यायीपन इन क्याल्सा भी सप्पा लॉकुरी मुक्त माळतद अदकि आंदरी जीवन कोळतद. 19 यतकी ह्यांग ऊंद मंळसा अन आग्या ईला मान्सदुर देल हापाळ लॉकुर पापी ठहरूसदुर, हांग अच ऊंद मंळसा अन आग्या मानसोद कारण सप्पा लॉकुर परमेश्वर उन मुंद न्यायी ठहरूसकु आदार. 20 व्यवस्था अन पयचान इदुरसाटी आत क्कि अपराध वाळुसेगुल, लेकीन यल पाप वाळुस्त अल परमेश्वर अनुग्रह अदकि यक्कुल वाळुस्त, 21 क्कि ह्यांग पाप मृत्यु फैलुसतेला राज्य माळ्त्त, हांग अच नाम प्रभु यीशु मसीह अन द्वारा अनुग्रह भी अनन्त जीवन इन साटी न्यायीपन इन द्वारा राज्य माळीत.

6

पाप इन साटी मृतकः मसीह दा जीवति

1 रा नाव ईग येन अंदेव? येन नाव लगातार पाप माळतेला ईत्तेव कपिरमेश्वर उन अनुग्रह आगुल? 2 नश्चि अच ईला! नाव याग पाप इन साटी सोतोदेव रा बाक ईदुर मुंद अदुर दा ह्यांग जीवन बत्तिसेव? 3 येन नीव जान्सालीर कि नाव सप्पा यार मसीह यीशु दा बपतस्मा ताकोडेव, आऊन मृत्यु उन भागीदारी दा बपतस्मा ताकोडेव. 4 *इदुरसाटी आ मृत्यु उन बपतस्मा ताकोडुर देल नाव आऊन सांगुळ नळस्कू आदेव, ताकी ह्यांग मसीह आप्प उन महमा अन द्वारा सोत्तुर दा टु जित्ता आदुन, हांग अच नाव भी व्हाशोद जीवन इन घाई चाल नळदेव.

5 यतकी अगर नाव आऊन मृत्यु उन समानता दा आऊन सांगुळ जमा आगेगेव, रा नश्चिय आऊन जित्ता आगेद समानता दा भी जमा आगेदेव. 6 नाव जान्सतेव कि नाम हाळोद मनुष्यत्व आऊन सांगुळ करूस मा येरसकु आत ताकी पाप इन मय बेकार आगेगुल, अदकि नाव मुंद पाप इन दासत्व दा ईरतीदील. 7 यतकी जो सोतोदुन, आव पाप इन बंधन देल न्यायी आगेदुन. 8 इदुरसाटी अगर नाव मसीह अन सांगुळ सोतोदेव, रा नाम वश्वास ईद आद कि आऊन सांगुळ जित्ता भी ईत्तेव. 9 यतकी ईदुर जान्सतार कि मसीह सोत्तुर दा टु जित्ता आगकु मात्त सायतीदील; आऊन मा मात्त मृत्यु उन प्रभुता आगतीदील. 10 अदकि आव सोतोदुन आऊन मा पाप इन बंधन हैलेच अदकि ईग आव परमेश्वर उन सांगुळ आऊन जीवन व्यतीत माळतान. 11 हगि अच नीव भी तान बारा दा ईद समसी कि नीव भी पाप इन साटी सोतोगीर, लेकीन मसीह यीशु उन द्वारा परमेश्वर दा जित्ता समसी.

* 6:4 ६:४ कुलुससगिळ २:३२

12 इदुरसाटी पाप नीम मरनहार शरीर दा राज्य माळबाळुल, क्नी नीव अदुर लालसागोळ हात्ती ईरी; 13 तान शरीर इन अंगगोळी अर्धम इन स्यावा अन साटी पाप इन हवाला माळबाळी, उलटा सोत्तुर दा टु जत्तिता आगावाळेर घाई परमेश्वर उन हवाला माळबुळी, अदकि तान शरीर इन अंगगोळी न्यायीपन इन स्यावा अन साधन इन रूप दा परमेश्वर उन हवाला माळबुळी. 14 आग नीम मा पाप इन प्रभुता आगतीदील, यत्कि नीव व्यवस्था अन हात्ती ईला उलटा परमेश्वर उन अनुग्रह अन हात्ती आईर.

न्यायीपन इन दास

15 रा नाव येन माळेव? येन नाव पाप माळेव यत्कि नाव व्यवस्था अन हात्ती हैलेच उलटा परमेश्वर उन अनुग्रह अन हात्ती जीऊसतेव? नश्चिति अच ईला! 16 येन नीव जान्सालीर क्नीयावारा ऊंद मंळसा अन आग्या मानसोर साटी नीव तान तान इक दासगोळ घाई सोप्स बुळतीर रा यार्द आग्या मानसतीर आऊंदा दास बनसेगतीर: चाहे बाक पाप इन, यदुरद परणाम मृत्यु आद, चाहे बाक आग्या मान्सावाळेर्द, यार्द अन्त न्यायीपन आद? 17 लेकीन परमेश्वर उन धन्यवाद आगुल क्नी नीव जो पाप इन दास ईरीर ईग मन देल आ सच्चाई इक ग्रहण माळदीर अदकि उपदेश मान्सावाळेर आगेदीर, यार्द साचा दा ढलस्कु आगेदीर, 18 अदकि नीव पाप देल बटिकु न्याय इन दास आगेदीर. 19 ना नीम शारीरकि कमजोरी अन कारण मंळसागोळी रीत मा अनतीन. ह्यांग नीव तान अंगगोळी कुकर्म्म अदकि अशुध्दता अन दास माळकु सौप्सदीर, हांग अच ईग तान अंगगोळी पवतिरता अन साटी न्यायीपन इन दास माळकु सोप्स बुळी.

20 याग नीव पाप इन दास ईरीर, रा न्याय इन दी टु स्वतंत्र ईरीर. 21 इदुरसाटी याता मातगोळ दैल ईग नीव लज्जति

आगतीर, अऊर से आ समय नीमी येन काय सकितोगोद? यतकी आ मातगोळ अन्त रा मृत्यु आद. 22 लेकीन ईग पाप देल स्वतंत्र आगकु परमेश्वर उन दास बनसकु नीमी काय सकित यदुर देल पवत्रिता हासलि आगतद, अदकि अदुर अन्त अनन्त जीवन आद. 23 यतकी पाप इन मजदूरी रा मृत्यु आद, लेकीन नाम परमेश्वर उन अनुग्रह अन भेट नाम प्रभु मसीह यीशु दा अनन्त जीवन आद.

7

मदा जीवन इन उदाहरण

1 हे वार्टुरा अदकि आकतींगेरा, येन नीव जान्सालीर, ना व्यवस्था अन जान्सावाळेर से अनतीन, कयागासताका मळसा जित्ता ईरतान, आगासताका आऊन मा व्यवस्था अन अधिकार ईरतद? 2 उदाहरण इन साटी ऊंद मदावळत आरत तान मान्नावाळा अन व्यवस्था अन अनुसार आगासताका बंधन दा आर यागासताका आकनि मान्नावाळा जित्ता आन लेकीन अगर आकनि मान्नावाळा सोतोगतान रा आक मदा संबंधी व्यवस्था देल मुक्त आगेगतार. 3 इदुरसाटी अगर गांड्ड उन जीते जी आक यावारा दुसरा गंळ्स उन आगेगुल, रा व्यभचारिणी अंदकु आदार, लेकीन अगर गांड्ड सोतोगुल, रा आक आ व्यवस्था देल बटिटोदुर, ईल ताका क्क अगर यावारा दुसरा गंळ्स उन आगेदुर तरी भी व्यभचारिणी ठहरूसतीदील. 4 हांग अच हे नान वार्टुरा अदकि आकतींगेरा, नीव भी मसीह अन मय इन द्वारा व्यवस्था अन साटी सोतकु बनसेदीर, क्क आ दुसरा अन आगेगी, जो सोत्तुर दा टु जित्ता आदुन: ताकी नाव परमेश्वर उन स्यावा दा उपयोगी ठहरुसुल. 5 यतकी याग नाव शारीरकि स्वभाव इन हात्ती ईरेव, रा पापगोळ अभलिषागोळ जो व्यवस्था अन द्वारा ईरोद, मृत्यु अन काय पैदा माळोर साटी नाम अंगगोळ दा क्याल्सा माळोद. 6 लेकीन यार्द बंधन दा नाव ईरेव आऊन

साटी सोतकु, ईग व्यवस्था देल हगि बटोदेव, कऱ शास्त्र लेख इन हाळोद रीतऱमा ईला, उलटा आत्मा अन व्हाशोद रीतऱमा स्यावा माळतेव.

व्यवस्था अदकि पाप

7 रा नाव येन अंदेव? येन व्यवस्था पाप आद? यागलु ईला! उलटा बनिा व्यवस्था अन ना पाप इक अरालीनः व्यवस्था अगर ईला अनईत, कऱ लालच माळबाळ रा ना लालच इन बारा दा ईला जान्स सकायदनि. 8 लेकीन पाप मौका नोळकु आग्या अन द्वारा नान दा सप्पा प्रकार इन लालच पैदा माळ्त, यतकी बनिा व्यवस्था अन पाप मुर्दा आद. 9 ना रा व्यवस्था अन बनिा पयले जत्तिता ईरीन, लेकीन याग आग्या बत्त, रा पाप जत्तिता आगेत, अदकि ना सोतोदीन. 10 अदकि अदा आग्या जो जीवन तरोरसाटी ईरोद, नान साटी मृत्यु उन कारण ठहरूस्त. 11 यतकी पाप मवका नोळकु आग्या अन द्वारा नानी बहकुस्त, अदकि अदुरदा द्वारा नानी कोंद भी बुळ्त.

12 *इदुरसाटी व्यवस्था पवत्तिर आद, अदकि आग्या भी सही अदकि वळ्लीद आद. 13 रा येन अद जो वळ्लीद ईरोद, नान साटी मृत्यु ठहरूस्त? यागलु ईला! लेकीन पाप आ वळ्लीद वस्तु उन द्वारा नान साटी मृत्यु उक पैदा माळावाळा आत कऱ अदुर पाप आगोद प्रगट आगुल, अदकि आग्या अन द्वारा पाप हापाळ अच पापमये ठहरूसुल.

बुळ्क इन लळाई

14 नाव जान्सतेव कऱ व्यवस्था रा आत्मकि आद, लेकीन ना शारीरकि अदकि पाप इन कय देल मारकु आईन. 15 ☆जो ना माळतीन अदरी अरालीन; यतकी जो ना चाहासतीन अद माळालीन, लेकीन यदुर देल नानी घृणा बरतद अदा माळतीन.

* 7:12 ७:१२ हाळोद नयिम दा ईद वचन सकाल्द ☆ 7:15 ७:१५ गलातगिोळ ५:१७

16 अगर जो ना चाहासालीन अदा माळतीन, रा ना मान्स कोमतीन कि व्यवस्था भला आद. 17 रा हगि दशा दा अदुर्द माळावाळा ना आल्लच, उलटा पाप हुन जो नान दा कुर्तकु आद. 18 यतकी ना जान्सतीन कि नान दा मतलब नान मय दा यातोदु वळ्लीद वस्तु वास माळाल्द. इच्छा रा नान दा आद, लेकीन वळ्लीद क्याल्सा नान से आग सकालव. 19 यतकी यातोद वळ्लीद क्याल्सा अन ना इच्छा माळतीन, अद रा माळालीन, लेकीन यातोद बुराई अन इच्छा माळालीन, अदा माळतीन. 20 इदुरसाटी अगर ना अदा माळतीन यदुर्द इच्छा माळालीन, रा अदुर्द माळावाळा ना ईतीदील, लेकीन पाप जो नान दा कुर्तकु आद.

21 ई प्रकार ना ईद अनुभव ताकोमतीन कियोग भलाई माळोद इच्छा माळतीन, रा बुराई नान से आगतद. 22 यतकी ना अंतर आत्मा देल रा परमेश्वर उन नयिम देल हापाळ खुश ईरतीन. 23 लेकीन नानी तान शरीर दा दुसरा प्रकार इन व्यवस्था कांळसकु बळितद, जो नान दमिक इन नयिम देल लळाई माळतद अदकि नानी पाप इन नयिम इन बंधन दा हाकतद जो नान शरीर दा आद. 24 ना ह्यांग दुखी मंळसा आईन! नानी ई मृत्यु उन मय देल याव बळिस्यान? 25 जो नानी पापगोळ देल छुटकारा कोळतान आ प्रभु यीशु मसीह अन द्वारा आ परमेश्वर उन धन्यवाद माळतीन. ईत्ता प्रकार बुद्धी देल परमेश्वर उन नयिम इन पालन माळतीन.

8

पवत्रि आत्मा अन द्वारा जीवन

1 इदुरसाटी ईग जो मसीह यीशु दा जीवन व्यतीत माळतार, आंदुर मा दण्ड इन आग्या हैलेच. 2 यतकी जीवन इन आत्मा अन व्यवस्था मसीह यीशु दा नानी पाप इन अदकि मृत्यु अन व्यवस्था देल स्वतंत्र माळबुटाद. 3 यतकी जो क्याल्सा

व्यवस्था शरीर इन कारण दुर्बल आगकु माळ सकदील, अदरी परमेश्वर माळदुन, मतलब तांद अच पार उक पापमय शरीर इन समानता दा अदकि पाप बली आगोर साटी कळुकु, शरीर दा पाप मा दण्ड इन आग्या कोट्टुन. ⁴ इदुरसाटी की व्यवस्था अन आवश्यकतागोळ नाम दा शरीर इन अनुसार ईला उलटा आत्मा अन अनुसार नळुतार, पुरा माळकु आगुल. ⁵ यतकी शारीरकि मंळसागोळ शरीर इन मातगोळ मा मन हचतार; लेकीन जो आत्मा अन मातगोळ मा मन हचतार. ⁶ शरीर मा मन हचोद रा मृत्यु हुन, लेकीन आत्मा मा मन हचोद जीवन अदकि शांती हुन; ⁷ यतकी शरीर मा मन हचोद रा परमेश्वर उन से दुश्मनी ईटोद हुन, यतकी ना रा परमेश्वर उन व्यवस्था अन हात्ती आद अदकि ना आग सकतद; ⁸ अदकि जो शरीर इन हात्ती आर, आंदुर परमेश्वर उक खुश माळ सकालुर.

⁹ लेकीन याग की परमेश्वर उन आत्मा नीम दा वास माळतद, रा नीव शारीरकि दशा दा ईला लेकीन आत्मकि दशा दा आईर. अगर यारदारा दा मसीह अन आत्मा हैलेच रा आंदुर आऊन लॉकुर आल्लच. ¹⁰ अगर मसीह नीम दा आन, रा शरीर पाप इन कारण सोतकु आद; लेकीन आत्मा न्यायीपन इन कारण जत्तिता आद. ¹¹ *अगर आऊंदा आत्मा याव यीशु उक सोत्तुर दा टु जत्तिता माळदुन, नीम दा वास माळेत्याद; रा याव मसीह अक सोत्तुर दा टु जत्तिता माळदुन आव नीम सोतकु शरीरगोळी भी तान आत्मा अन द्वारा जो नीम दा वास माळेत्याद, जत्तिता माळयान.

¹² इदुरसाटी हे वार्टुरा अदकि आकतींगेरा, नाम मा भौतिक शरीर इन कर्जा रा आद लेकीन ईदुरद ईद मतलब हैलेच की नाव ईदुर अनुसार जीत्ता ईत्तेव, ¹³ यतकी नीव मय इन अनुसार दनि कळदीर रा सोत्तीर, अगर आत्मा देल मय इन क्याल्सागोळी कोदीर रा जत्तिता ईत्तीर. ¹⁴ इदुरसाटी की यास

* 8:11 द:११ १ कुरनिथि३:१६

लॉकर परमेश्वर उन आत्मा अन अनुसार नळुतार, आंदुर अच परमेश्वर उन चकोर उर. 15 ✠यतकी नीमी दासगोळद आत्मा सकदील कि मात्त अंजबाळुल, लेकीन परमेश्वर उन सन्तान इन आत्मा सकियाद, यदुर देल नाव हे अब्बा, हे आप्पा अनकु कारूतेव. 16 परमेश्वर उन आत्मा खुद अच नाम आत्मा अन सांगुळ गवाही कोळतद, कि नाव परमेश्वर उन सन्तान हुयेव; 17 अदकि अगर सन्तान आर रा वारीस भी आर, उलटा परमेश्वर उन वारीस अदकि मसीह अन सांगुळ वारीस आयेव, कियोग नाव आऊन सांगुळ दुख नेगदेव रा आऊन सांगुळ महिमा भी सकिल.

भवषिय दा प्रगट आगावाळा महिमा

18 यतकी ना समझुसतीन कि ई समय इन दुख अदकि क्लेश आ महिमा अन मुंद, जो नाम मा प्रगट आगावाळा आद, येनु अच हैलेच. 19 यतकी दुनिया हापाळ आशा तुम्द नजर देल परमेश्वर उन पारगोळ प्रगट आगोद हादी कायेत्याद. 20 यतकी दुनिया तान इच्छा देल ईला लेकीन हात्ती माळावाळा अन दी टु, व्यर्थया अन हात्ती ई आशा देल माळकु आग्याद 21 कि दुनिया भी खुद अच वनिश इन दासत्व देल छुटकारा ताकोमकु, परमेश्वर उन चकोरद महिमा अन स्वतंत्रता प्राप्त माळीत. 22 यतकी नाव जानसतेव कि सप्पा दुनिया ईगासताका मलिसकु कन्नासतेला अदकि दुखगोळ दा बदिक् तळपुसतद; ह्यांग कि चगिद पैदा आगा समय मा तळपुसतान. 23 ✠अदकि सरिफ आवा ईला लेकीन नाव भी यार हाती आत्मा अन पयला काय आद, खुद अच तांदुर दा कन्नासतेव; अदकि लेपालक आगोद, मतलब तान मय इन छुटकारा अन हादी कायतेव. 24 ई आशा अन द्वारा नाम उद्धार आग्याद; लेकीन याता वस्तु अन आशा माळकु आगतद,

✠ 8:15 द:१५ गलातगोळ ४:५-७ ✠ 8:15 द:१५ मरकुस १४:३६; गलातगोळ ४:६ ✠ 8:23 द:२३ २ कुरन्थि ५:२-४

याग अद नोळदुर दा बंदीत रा बाक आशा येल ईतूत? यतकी याता वस्तु अक यावारा नोळतयान अदुर आशा येन माळ्या? 25 लेकीन याता वस्तु अक नाव नोळ सकालेव, अगर अदुरद आशा ईटतेव, रा धीरज देल अदुरद हादी भी कायतेव.

26 ईदा रीर्ता देल आत्मा भी नाम कमजोरी दा सहायता माळतद: यतकी नाव जानसालेव कि प्रार्थना याता रीर्ता देल माळ पायजे, लेकीन आत्मा खुद अच हगि आहट तुम तुमकु, जो बयान देल व्हार्या आद, नाम साटी वनिती माळतद; 27 अदकि परमेश्वर जान्सतान कनिम मनगोळ दा येन आद, किपरमेश्वर आत्मा अन मनसा येन आद? यतकी आव पवतिर लॉकुर साटी परमेश्वर उन इच्छा अन अनुसार वनिती माळतान.

28 नाव जानस्तेव कि जो लॉकुर परमेश्वर से प्यार ईटतार, आंदुर साटी सप्पा मातगोळ मलिसकु वळलीद इका पैदा माळतान; मतलब आंदुरदा साटी जो आऊन इच्छा अन अनुसार कार्सकु आग्यार. 29 यतकी यारी आव पयले टु जान्स कोंडान आंदरी पयले टु अच ठहरूस्यान कि आऊन पार उन स्वरूप दा आगुल, ताकी आव हापाळ वार्दुर दा पयला ठहरूसुल. 30 बाक यारी आव पयले टु ठहरूसदुन, आंदरी कार्सदुन भी; अदकि यारी कार्सदुन, आंदरी न्यायी भी ठहरूसदुन अदकि आंदरी महमा भी कोट्टुन.

परमेश्वर उन प्यार

31 इदुरसाटी नाव ई मातगोळ बारा दा येन अंदेव? अगर परमेश्वर नाम दी आन, रा नाम खलिाप याव आग सकतान? 32 याव तान नजि पार उक भी ईटीदील, लेकीन आऊक नाम सप्पा मुंदुर साटी कोट्ट बुटुन, आव आऊन सांगुळ नामी अदकि सप्पा येनारा मुफ्त दा येती कोळतीदील? 33 परमेश्वर उन नविळुसद लॉकुर मा दोष याव हच्यान? परमेश्वर अच आन जो आंदरी न्यायी ठहरूसावाळा आन. 34 बाक याव आन जो

दण्ड इन आग्या कोट्टान? यीशु मसीह अच आन जो सोतोदुन लेकीन मुर्दागोळ दा टु जत्तिता भी आदुन, अदकि परमेश्वर उन ऊमा कय इन दी आन, अदकि नाम साटी समझौता भी माळतान. ³⁵ याव नामी मसीह अन प्यार देल अलग माळ्यान? येन क्लेश, या कठनि समय, या सताव, या अकाल, या गरीबी, या जोखमि, या मृत्यु? ³⁶ हयांग शास्त्र दा लखिसकु आद,

नीन साटी नाव हागुल तीम घात माळकु आगतेव;
नाव वध आगावाळा म्यांडागोळ घाई आळुकु आगेव.

³⁷ लेकीन ई सप्पा मातगोळ दा नाव आऊन द्वारा याव नाम से प्यार माळ्यान, पुरा तरीका देल वजिय प्राप्त माळतेव.

³⁸ यतकी ना नश्चय जानसतीन किय आऊ नामी आऊन प्यार देल अलग माळ सकालुन ना मृत्यु, ना जीवन, ना स्वर्गदूत, ना दुष्ट शासन, ना वर्तमान, ना भवष्य, ना सामर्थ्य, ना ऊंचाई,

³⁹ ना धरती इन गहराई, अदकि ना धरती इन ऊंचाई अदकि ना संसार इन यातोदु निर्मिति वस्तु नामी परमेश्वर उन प्यार देल जो नाम प्रभु मसीह यीशु दा आद, अलग माळ सकीत.

9

परमेश्वर अदकि आऊन नविळुसदोर लॉकुर

¹ ना मसीह दा सही अनतीन, ना खवाटा माताळालीन अदकि नान मन भी पवत्रि आत्मा दा गवाही कोळतद ² कनानी बळा दुख आद, अदकि नान मन हमेशा दुखी ईरतद, ³ यतकी ना ईल ताका चाहासीन किय तान वार्टुर साटी जो मय इन भाव देल नान कुटुम्बी आर, खुद अच परमेश्वर देल शरापति अदकि मसीह से अलग आगेगतद. ⁴ आंदुर इस्त्राएली उर, अदकि परमेश्वर उन पार उन अधिकार अदकि महिमा अदकि वादागोळ अदकि व्यवस्था अन उपहार अदकि परमेश्वर उन उपासना अदकि प्रतगियागोळ आंदुरवा हुव. ⁵ पुरवज भी आंदुरदा उर, अदकि मसीह भी मय इन भाव देल आंदुर दा टु आदुन. परमेश्वर जो

सप्पा मुंदुर म्याकुच राज्य माळतान आव हमेशा हमेशा धन्य ईरूल. आमीन.

6 लेकीन ईद ईला कि परमेश्वर उन वचन टलसेत, इदुरसाटी कि जो इस्त्राएल इन वंश आर, आंदुर सप्पा इस्त्राएली आल्लच; 7 अदकि ना अब्राहम उन वंश आगोद कारण सप्पा आऊन औलाद ठहरूसदुर, लेकीन शास्त्र दा लखिसकु आद, “इसहाक टु अच नीन वंश कहलुस्यान.” 8 मतलब मय इन औलाद परमेश्वर उन औलाद आल्लच, लेकीन प्रतगिया अन औलाद वंश आळुकु आगतद. 9 यतकी प्रतगिया अन वचन ईद हुन: “ना उचति समय इन अनुसार बराईन, अदकि सारा अक पार आदान.” 10 अदकि सरिफ ईदा ईला, लेकीन याग रबिका भी ऊंद देल मतलब नाम आप्प इसहाक देल येदद पारगोळ आदुर, 11 लेकीन आकनि ऊंद चगिद उक नविळुसोद ईद पुरा तरीका देल परमेश्वर उन खुद इन उपदेश इन परणाम ईरोद, परमेश्वर आकनि से अंदुन, धोडडेव स्याणेव उन स्यावा माळयान. 12 ई मातगोळ परमेश्वर आंदुर जनम इन पयले अदकि आंदुर येनारा बुरा भला माळ से पयले अंदुन रा परमेश्वर उन पसंद आऊन कारदुर मा नरिभर आद, ना अदुर मा कि आंदुर येन माळदुर. 13 ह्यांग शास्त्र दा लखिसकु आद, “ना याकूब से प्यार माळदीन, लेकीन एसाव उक अप्रयि जान्सदीन.”✠

14 इदुरसाटी नाव येन अंदेव? येन परमेश्वर उन हाती अन्याय आद? यागलु ईला. 15 यतकी आव मूसा से अनतान, “ना याता मंळसा मा दया माळोद चाहासाईन आऊन मा अच दया माळाईन, अदकि याता मंळसा मा कृपा माळोद चाहासाईन, आऊन मा का कृपा माळाईन.”

16 इदुरसाटी ईद ना रा चाहासावाळा अन, ना मयनत माळावाळा अन लेकीन दया माळावाळा परमेश्वर मा नरिभर

आद. 17 यतकी शास्त्र दा फरौन से अंदकु आत, “ना नीनी इदुरदा साटी नदिरूसीन कि नीन दा तान सामर्थ्य तोरसाईन, अदकि नान हेसुर इन प्रचार पुरा पृथ्वी मा आगुल*.” 18 इदुरसाटी आव यार मा चाहासतान आऊन मा दया माळतान, अदकि यारी चाहासतान आऊक कठोर माळ बुळतान.

परमेश्वर उन सट्टि अदकि आऊन दया

19 इदुरसाटी नीम दा टु यावारा नानी ईद अंदान, “रा बाक परमेश्वर नामी दोषी येती ठहरूसतान? याव परमेश्वर उन इच्छा अन सामना माळ सकतान?” 20 हे मंळसा, नी याव हुय जो परमेश्वर उन वरिध दा माताळत्या? ऊंद घळुसुद वस्तु तान घळुसावाळा से केळ सकतद, “नी नानी हगि येती माळ्या?” 21 येन कुंभार उक मुण्ण मा अधिकार हैलेच कि ऊंद अच लवांदा दा टु ऊंद बरतन आदर इन साटी अदकि दुसरा अक अनादर इन साटी माळयान? 22 परमेश्वर तान सट्टि तोरसली अदकि तान सामर्थ्य प्रगट माळोद इच्छा देल सट्टि इन बरतनगोळद, जो वनिश इन साटी तयार माळकु आगीदव, बळा धीरज देल सहन माळदुन; 23 अदकि दया अन बरतनगोळ मा, यवरी आव महमिा अन साटी पयले टु तयार माळदुन, तान महमिा अन धन इक प्रगट माळोद इच्छा माळदुन? 24 मतलब नाम मा यारी आव ना सरिफ यहूदीगोळ दा टु, उलटा गैरयहूदीगोळ दा टु भी कारदुन. 25 हयांग आव होशे अन कतिब दा भी अनतान, “जो नान लॉकुर ईला ईरोर, आंदरी ना तान लॉकुर अनाईन; अदकि याता लॉकुर मा प्यार ईला ईरोद, आंदरी प्रयि अनाईन. 26 अदकि हगि आदीत कियता जागा दा आंदुर से ईद अनकु आगीत कि नीव नान लॉकुर आल्लच, अदा जागा आंदुर जत्तिता परमेश्वर उन औलाद अंदकु आदार.”

* 9:17 ९:१७ नरिगमन ९:१६

27 अदकि यशायाह इस्त्राएल इन बारा दा कारूकु अनतान, “चाहे इस्त्राएल इन औलादगोळ गनिती समुद्र अन धुळा अन बराबर ईरूल, तरी भी आंदुर दा टु थ्वाळासा अच ऊळ्सकु आदार. 28 यतकी प्रभु तान वचन पृथ्वी मा पुरा माळकु, राटनेरी अदरी सद्धि माळ्यान.”

29 ह्यांग यशायाह पयले भी अंददिन, “अगर सेनागोळ प्रभु नाम साटी येनारा वंश बळालुन, रा नाव सदोम उन घाई आगोगायदेव, अदकि गमोरा अन सदृश ठहरसायदेव.”

इस्त्राएल इन अवश्वास

30 इदुरसाटी नाव येन अंदेव? ईद कि गैरयहूदीगोळ जो न्यायीपन इन खोज ईला माळतोगोर, न्यायीपन हाशील माळदुर मतलब आ न्यायीपन इक वश्वास देल हाशील माळ्यार; 31 लेकीन इस्त्राएली, जो न्यायीपन इन व्यवस्था अन खोज माळतोगोर आ व्यवस्था ताका पोहचुसीदील. 32 यदुर साटी? इदुरसाटी कि आंदुर वश्वास देल ईला, लेकीन कर्मगोळ देल अदुर खोज माळतोगोर. आंदुर आ ठोकर इन कल्ल मा ठोकर तदुर, 33 ह्यांग पवतिरशास्त्र दा लखिसकु आद, “नोळी, ना सयियोन दा ऊंद चट्टान ईटतीन, अदकि जो परमेश्वर उन वचन मा वश्वास माळ्यान आव लज्जति आगतीदील✧.”

10

1 हे वारटुरा अदकि आकतींगेरा, नान मन इन अभलिषा अदकि आंदुर साटी परमेश्वर से नान प्रार्थना आद कि आंदरी उद्धार सक्कुल. 2 यतकी ना ई मात देल गवाही कोळतीन आंदुर परमेश्वर दा मगन ईरतार, लेकीन आंदुर भक्ती खरा ग्यान मा आधारति हैलेच. 3 यतकी आंदुर परमेश्वर उन न्यायीपन

✧ 9:33 ९:३३ यशायाह २८:१६

देल अनजान आगकु, अदकि तान न्यायीपन स्थापति माळोद कोशशि माळकु, परमेश्वर उन न्यायीपन इन हात्ती आगीदील. 4 मसीह व्यवस्था अन अनत माळदुन की हर ऊंद जो विश्वास माळतान परमेश्वर उन साटी न्यायी आगुल.

उद्धार सप्पा मुंदुर साटी

5 यतकी मूसा ईद लखिस्यान की जो मळसा आ न्यायीपन मा जो व्यवस्था देल आद, नळुतान, आव अदुर देला जतिता ईत्तान. 6 लेकीन जो न्यायीपन विश्वास देल आद, अदुर बारा दा शास्त्र ईद अनतद, “नी तान मन दा ईद अनबाळेत की, मसीह अक ईळसकु तरोरसाटी स्वर्ग मा याव येर्यान?” मतलब मसीह अक ल्यालमा तरोरसाटी, 7 या “मसीह अक सोत्तुर दा टु जतिता माळकु म्याकुच तरोरसाटी अधोलोक दा याव ईळदान?” मतलब मसीह अक सोत्तुर बाददा म्याकुच ओयोर साटी. 8 लेकीन अद येन अनतद? ईद की “वचन नीन हाती आद, नीन बाय दा अदकि नीन मन दा आद,” ईद अदा विश्वास इन वचन हुन, जो नाव प्रचार माळतेव, 9 की अगर नी तान बाय देल यीशु उक प्रभु जानसकु अंगीकार माळया, अदकि तान मन देल विश्वास माळया की परमेश्वर आऊक सोत्तुर दा टु जतिता माळदुन, रा नीन जरूर उद्धार आदति. 10 यतकी विश्वास माळदुर देल नाव परमेश्वर उन सांगुळ सही संबंध दा बरतेव अदकि बाय देल कबुल माळदुर देल नामी मुक्ती सकितद. 11 यतकी पवतिरशास्त्र ईद अनतद, “जो यावारा आऊन मा विश्वास माळतान आव लज्जति आगतीदील.” 12 यहूदीगोळ अदकि गैरयहूदीगोळ दा येनु फरक हैलेच, इदुरसाटी की आव परमेश्वर सप्पा मुंदुर प्रभु हुन अदकि आव सप्पा मुंदुरी बहूतायत देल आशषीत माळतान जो आऊक कारूतार. 13 यतकी शास्त्र दा लखिसकु आद, “जो यावारा प्रभु उक मदत साटी कारूतान, आव ऊळसकु आदान.”

14 लेकीन यार मा आंदुर वशिवास माळीदील, आंदुर आऊक ह्यांग मदत साटी कारदान? अदकि यार संदेश केळीदील आऊन मा ह्यांग वशिवास माळ्यार? अदकि प्रचारक बनिा ह्यांग केळ्यार? 15 अदकि अगर संदेश केळसावाळेर कळुकु आगतीदील, रा ह्यांग प्रचार माळ्यार? ह्यांग शास्त्र दा लखिसकु आद, “आंदुर काल येन सुहावना आव, जो खुशखबरी हुडुकु बरतार☆!” 16 लेकीन सप्पा मुंदुर आ खुशखबरी मा कवि हचीदलि: यशायाह अनतान, “हे प्रभु, याव नाम समाचार मा वशिवास माळ्यान☆?” 17 इदुरसाटी वशिवास संदेश इन केळदुर देल अदकि संदेश मसीह अन वचन देल आगतद.

18 लेकीन ना अनतीन, येन आंदुर केळीदील? केळोद रा जरूरी आद; यतकी शास्त्र दा लखिसकु आद,

“आंदुर स्वर सप्पा पृथ्वी मा,

अदकि आंदुर वचन दुनिया अन आखरी ताका पोहचुसेग्याव.”

19 ना मातत अनतीन, येन इस्त्राएली ईला जानसोर? पयले रा मूसा अनतान,

“ना आंदुर द्वारा जो लॉकुर ईला, नीम मन दा जलन उपजुसाईन; ना ऊंद मूळ लॉकुर द्वारा नीमी सटिट तोरसाईन☆.”

20 बाक यशायाह हापाळ हम्मत इन सांगुळ अनतान,

“जो नानी ईला ढुंढसोर, आंदरी ना सकिकेदीन;

अदकि जो नानी केळतोगोर भी ईला, आंदुर मा ना प्रगट आगेदीन☆.”

21 लेकीन इस्त्राएल इन बारा दा आव ईद अनतान,

“ना पुरा दिन तान कय ऊंद आग्या ईला मानसावाळेर अदकि झगळा माळावाळेर लॉकुर दी पसरूसकु ईत्तीन☆.”

☆ 10:15 १०:१५ यशायाह ५२:१७ ☆ 10:16 १०:१६ यशायाह ५३:१ ☆ 10:19 १०:१९ व्यवस्थावविरण ३२:२१ ☆ 10:20 १०:२० यशायाह ६५:१ ☆ 10:21 १०:२१ यशायाह ६५:२

11

इस्त्राएल मा परमेश्वर उन दया

1 ✨इदुरसाटी ना अनतीन, येन परमेश्वर तान लॉकुरी त्याग्स बुटुन? यागलु ईला! ना भी रा इस्त्राएली हुईन; अब्राहम उन वंश अदकि बन्यामीन उन गोत्र दा टु आईन. 2 परमेश्वर तान लॉकुरी त्यागसीदील, यारी आव पयल टु अच नविळुसदुन. येन नीव जान्सालीर कशि शास्त्र एलयियाह अन बारा दा येन अनतद, याग आव इस्त्राएल इन वरीध दा परमेश्वर से वनिती माळतान? 3 “हे प्रभु, आंदुर नीन भवषियवक्तागोळ्द घात माळदुर, अदकि नीन वेदीगोळी केळद बुटार; अदकि ना अच आबना ऊळदीन, अदकि आंदुर नानी भी कोन्नोर साटी खोज माळेत्यार.” 4 लेकीन परमेश्वर से आऊक येन उत्तर सकित? “ना तान साटी येळ हजार गंळसुरी ईटकु बटिन, यार ख्वाटा बाअल भगवान उन उपासना माळीदलि.” 5 ठीक ईदा रीतदिल ई समय भी, अनुग्रह देल नविळुसद थ्वाळासा लॉकुर मक्कि आर. 6 अगर ईद अनुग्रह देल आग्याद, रा बाक कर्मगोळ देल ईला; ईदारा अनुग्रह बाक अनुग्रह ईतीदील.

7 इदुरसाटी परणाम येन आत? ईद कशि इस्त्राएल यार्द खोज दा ईरोर, अद आंदरी सकदिल; लेकीन नविळुसद लॉकुरी सकित, अदकि बाकी लॉकुर कठोर माळकु आदुर. 8 ह्यांग शास्त्र दा लखिसकु आद,

“परमेश्वर आंदुर मन अदकि दलिंगोळी चेतना शुन्य माळ बुटान, अदकि हगि कण्णगोळी कोट्टुन जो नोळबाळुल अदकि हगि कवि जो केळबाळुल.”

9 अदकि दाऊद अनतान,
“आंदुर भोजन आंदुर साटी जाल अदकि फासा,
ताकी आंदुर बळिल अदकि आंदरी दण्ड सकिल.

10 आंदुर कण्णगोळ मा अंधार छासेगुल ताकी नोळ ईला सकुल, अदकि नी हमेशा आंदुर बेन इक बांग्सकु ईट.”

11 इदुरसाटी ना अनतीन येन आंदुर इदुरसाटी ठोकर तदिरु क्कि बदिगुल? यागलु ईला! लेकीन आंदुर बळिोद कारण गैरयहूदीगोळी उद्धार सकित्त, क्कि आंदरी जलन आगुल.

12 इदुरसाटी अगर आंदुरद बळिोद दुनिया अन साटी धन अदकि आंदुर घटी गैरयहूदीगोळ साटी सम्पत्ति इन कारण आत, रा आंदुरद भरपुरी देल येन आगतीदील.

गैरयहूदीगोळद उद्धार

13 ईग ना नीव गैरयहूदीगोळ से ई मातगोळी अनतीन. यागासताका ना वशिषे रूप देल गैरयहूदीगोळ साटी प्रेरति आईन, रा ना तान स्यावा अन प्रती बळाई माळतीन, 14 ताकी यातोदारा रीति देल ना तान कुटुम्बगोळ दा जलन पैदा माळसुसकु आंदुर दा टु थ्वाळासा लांकुरद उद्धार माळसुसाईन. 15 यतकी अगर परमेश्वर उन द्वारा आंदुर नकार माळकु आगोद इदुर देल परमेश्वर उन सांगुळ मेल मलिाप आगतद रा बाक आंदुर अपनुसदुर देल येन सोत्तुर दा टु जित्ति आगोद आगतीदील? 16 याग भेट इन पयला लोई पवतिर ठहरूसत, रा पुरा कालसद हीट भी पवतिर आद; अदकि याग मारर इन जळ पवतिर ठहरूसत, रा खांदीगोळ भी हगि अच आव.

17 लेकीन अगर थ्वाळासा खांदीगोळ मुरूकु आदव, अदकि नी आळी दाकळोद जैतून आगकु अऊरदा हचकु आद, अदकि जैतून इन जळ इन चकिनाई इन भागी आग्या, 18 रा खांदीगोळ मा घमण्ड माळबाळेत; अदकि अगर नी घमण्ड माळ्या रा जान्स कोम क्कि नी जळ इक ईला लेकीन जळ नीनी संभाल्सतद. 19 बाक नी अंद्या, “खांदीगोळ इदुरसाटी मुरूकु आदव क्कि ना अल हचकु आगाईन.” 20 ठीक आद, अव रा अवशिवास इन कारण मुरूकु आदव, लेकीन नी रा वशिवास देल बन्सकु ईरत्या इदुरसाटी

अभिमानी आगबाळ, लेकीन अंजक मान्स, ²¹ यतकी परमेश्वर स्वाभाविकि खांदीगोळी बटीदलि रा नीनी भी बळितीदील. ²² इदुरसाटी परमेश्वर उन कृपा अदकि कठोरता अक नोळ! जो बदिदुर आंदुर मा कठोरता, लेकीन नीन मा कृपा, अगर नी आऊन दा बन्सकु ईत्या, रा ठीक आद ईदारा नी भी कळकु आदया. ²³ अगर यहूदी भी अवशिवास दा ईतीदील, रा हचकु मार्र से जोळ्सकु आदार; यतकी परमेश्वर समर्थ आन अदकि आंदरी मात्त जोळ्स सकतान. ²⁴ यतकी अगर गैरयहूदी आ जैतून देल, जो स्वभाव देल आळी दाकळोद आद, कळकु आत अदकि स्वभाव इन वरिद्ध वळ्लीद जैतून दा जोळ्सकु आत, रा ईव जो यहूदी खांदीगोळ आव, तांद अच जैतून दा येती हचकु आगतीदील.

पुरा इस्त्राएल इन उद्धार

²⁵ हे वारटुरा अदकि आकतींगेरा, ईदारा हगि आगबाळुल कि नीव तान तान इक बुद्धमिान सम्स कोमी; इदुरसाटी ना चाहासालीन कि नीव ई भेद देल अनजान ईरी कि यागासताका गैरयहूदीगोळ पुरा रीति देल प्रवेश माळ कोमालुर, आगासताका इस्त्राएल इन ऊंद भाग हगि अच कठोर ईत्तीत. ²⁶ अदकि ई रीति देल सपपा इस्त्राएल इक उद्धार सकिकीत. ह्यांग शास्त्र दा लखिसकु आद, “बळिसावाळा सयियोन टु बंदान, अदकि अभक्ती इक याकूब उन वंशगोळ से दुर माळयान;” ²⁷ अदकि आंदुर सांगुळ नान ईदा वादा आग आदति, याग ना आंदुर पापगोळी दुर माळ बुळाईन.” ²⁸ यतकी आंदुर खुशखबरी इक अस्वीकार माळदुर अदकि गैरयहूदीगोळ हेसुर इन कारण यहूदी परमेश्वर उन दुश्मन आगेदुर, लेकीन नविळुस्कु आगदुर देल आंदुर आंदुरद आप्प दादागोळद कारण परमेश्वर उन प्रयि आर. ²⁹ यतकी परमेश्वर तान वरदानगोळ देल यागलु

✧ 11:26 ११:२६ यशायाह ५९:२०-२१

बदलुसालुन अदकि आशीषगोळ अटल आव. ³⁰ यतकी ह्यांग नीव गैरयहूदीगोळ पयले परमेश्वर उन आग्या मान्सीदील, लेकीन हांगा ईग यहूदीगोळ्द आग्या ईला मान्सदुर दैल नीम मा दया आत; ³¹ नीम मा जो दया आत अदुर कारण यहूदी ईग परमेश्वर उन आग्या मान्सालुर, इदुरसाटी किईग नीम घाई दया आंदुर मा भी आगुल. ³² यतकी परमेश्वर सप्पा मुंदरी आग्या उल्लंघन माळदुर कारण बंदी माळकु ईटदुन, ताकी आव सप्पा मुंदुर मा दया माळुल.

परमेश्वर उन स्तुति

³³ आहा! परमेश्वर उन धन अदकि दमाक अदकि ग्यान येन महान आद! आऊन फैसलागोळी याव स्पष्ट माळ सकतान अदकि आऊन हादीगोळी याव सम्स सकतान!

³⁴ ह्यांग शास्त्र दा लखिसकु आद, “प्रभु उन मन इक याव जानस सकतान? अदकि आऊक याव सलाह कोळ सकतान? ³⁵ येन यावारा परमेश्वर उक येनारा कोटान यदरी आव मात्त आऊक वापस कोळुल?”

³⁶ *यतकी आऊंदा दी टु, अदकि आऊंदा द्वारा, अदकि आऊंदा साटी सब कुछ माळकु आग्याद. आऊन महमा हमेशा हमेशा आगतेला ईरूल: आमीन.

12

परमेश्वर उन स्यावा अन जीवन

¹ इदुरसाटी हे वारटुरा अदकि आकतींगेरा, ना नीम से परमेश्वर उन दया याद तोरसकु वनिती माळतीन कितान शरीर इक जतिता, अदकि पवतिर, अदकि परमेश्वर उक संतोष कोळावाळा बलदान माळकु येरसी. अगर नीमद खरा उपासना आद. ² ई दुनिया अन घाई आगबाळी; लेकीन नीम मन इन व्हाशोद आगदुर देल नीम

चाल चलन भी बदलुसतेला ईरूल, यदुर देल नीव परमेश्वर उन भला, अदकि भावती, अदकि सद्धि इच्छा अनुभव देल मालूम माळतेला ईत्तीर.

3 यतकी ना आ अनुग्रह अन कारण जो नानी सकियाद, नीम दा टु हर ऊंद मळसा से अनतीन कि ह्यांग सम्स पायजे अदुर देल यक्कुल यावारा भी तान तान इक सम्सबाळुल; लेकीन ह्यांग परमेश्वर हर ऊंद मळसा अक वशिवास परणाम इन अनुसार वाट्स बुटान, हांग अच सुबुध्दा इन सांगुळ तान इक समसुल. 4 *यतकी ह्यांग नाम शरीर दा हापाळ सा अंग आव, अदकि सप्पा अंगगोळ्द ऊंदा घाई क्याल्सा हैलेच; 5 हांग अच नाव जो हापाळ अंग ईतकु भी मसीह दा आबुर दाबुर अंग आवेव. 6 *याग कि आ अनुग्रह अन अनुसार जो नामी कोटक आग्याद, नामी संदेश हेळोद वरदान सकियाद, रा यारी भवषियवाणी इन दान सकियाद, आव वशिवास इन परणाम इन अनुसार भवषियवाणी माळुल; 7 अगर स्यावा माळोद दान सकीदाद, रा स्यावा दा हतकु ईरूल; अगर यावारा कल्सावाळा आन, रा कल्सदुर दा हतकु ईरूल; 8 जो प्रोत्साहन कोळवाळा आन, आव प्रोत्साहन कोळुल; दान कोळावाळा उदारता देल कोळुल; अदकि जो अगुवाई माळावाळा आन, आव लगन इन सांगुळ अगुवाई माळुल; अदकि यारी दया तोरसोद दान आद, माळुल, आव खुशी देल दान माळुल.

9 नीम प्यार नषिकपट ईरूल; बुराई देल घृणा माळी; अदकि भलाई दा हतकु ईरी. 10 भाईचारा अन भाव देल आबुर दाबुर से प्यार ईटी; परस्पर आदर माळदुर दा आबुर दाबुर से वाळुसकु नळी. 11 कोशशि माळदुर दा आलसी ईरबाळुल; आत्मकि उत्सुक दा तुमकु ईरी; प्रभु उन स्यावा माळतेला ईरी. 12 आशा दा खुश ईरी; क्लेश दा स्थरि ईरी; हर समय प्रार्थना दा हतकु

* 12:4 १२:४ १ कुरनिथि १२:१२

* 12:6 १२:६ १ कुरनिथि १२:४-११

ईरी. 13 पवतिर लॉकुरी जो येनारा जरूरी आद, अदुर दा आंदुरद मदत माळी; पाहुनचार माळदुर दा हतकु ईरी.

14 *तान सतुसावाळेरी आशीष कोळी; आशीष अच कोळी श्राप कोळबाळी. 15 आनन्द माळावाळेरे सांगुळ आनन्द माळी, अदकि वर्ला वाळेरे सांगुळ वरली. 16 आपस दा ऊंद घाई मन ईटी; अभिमानी आगबाळी, लेकीन गरीबगोळ सांगुळ संगत ईटी; तान नजर दा तान तान इक बुद्धमिान सम्सबाळी. 17 बुराई इन बदला यारदु से बुराई माळबाळी; जो मातगोळ सप्पा लॉकुर नजर दा भला आव, अवरी माळोद कोशशि माळी. 18 येल ताका आग सकुल, नीव सप्पा मंळसागोळ सांगुळ शांती देल ईरी. 19 हे प्रयिगोळा, बदला ताकोम बाळेतीर, लेकीन परमेश्वर उन सट्टिट इक मौका कोळी, यतकी शास्त्र दा लखिसकु आद, “बदला ताकोमोद नान क्याल्सा आद, प्रभु अनतान ना अच बदला ताकोमाईन.” 20 लेकीन “अगर नीन दुश्मन उपासा आन रा आऊक तनिली कोळ, अगर नीरअळ्क देल आन रा आऊक नीर कुळ्स; यतकी हगि माळदुर देल आव खुद अच नीन से शर्मदा आदान.” 21 बुराई देल हारूसबाळी, लेकीन भलाई देल बुराई इक जीतुस कोमी.

13

राज्य अन अधिकारीगोळ प्रती कर्तव्य

1 हर ऊंद मंळसा शासकीय अधिकारीगोळ हात्ती ईरूल, यतकी यातोदु अधिकार हगि हैलेच जो परमेश्वर उन दी टु ईला ईतीदाद; अदकि जो अधिकार आद, अद परमेश्वर उन दी टु ठहरूसकु आव. 2 इदुरसाटी जो यावारा अधिकार इन वरिध माळतान, आव परमेश्वर उन वधि इन वरिध माळतान, अदकि वरिध माळावाळेरी दण्ड सकिकीत. 3 यतकी शासक

* 12:14 १२:१४ मत्ती ५:४४; लूका ६:२८

वळ्लीद क्वालसा नोर हैलेच, लेकीन बेकार क्वालसा अन साटी अंज्क इन कारण आर; इदुरसाटी अगर नी शासक से नडिर ईरोद चाहासत्या, रा वळ्लीद क्वालसा माळ, अदकि आऊन दी टु नीन बळाई आदति; 4 यतकी आव नीन भलाई इन साटी परमेश्वर उन सेवक आन. लेकीन अगर नी बुराई माळ्या, रा अंज, यतकी आव तलवार बेकार हुळकु हैलेच; अदकि परमेश्वर उन सेवक हुन की आऊन सटिट इन अनुसार बेकार क्वालसा माळावाळा अक दण्ड कोळुल. 5 इदुरसाटी नीव अधिकारीगोळ्द आग्या मान्सी, सर्फ परमेश्वर उन दण्ड इन कारण ईला, लेकीन नाम मन इन कारण देल. 6 *इदुरसाटी कर भी कोळी यतकी शासन माळावाळेर परमेश्वर उन सेवक उर अदकि हमेशा ईदा क्वालसा दा हतकु ईरतार. 7 इदुरसाटी हर ऊंद मळसा अन हक्क चुक्ता माळी; यारी कर पायजे, आऊक कर कोळी; यारी महसूल पायजे, आऊक महसूल कोळी; यारी मान पायजे, आऊक मान कोळी; यार्द आदर माळ पायजे, आऊन आदर माळी.

आबुर दाबुर प्रती प्यार

8 आपस इन प्यार इक बटिकु अदकि यातोदु मात दा यारदु कर्जदार आगबाळी; यतकी जो दुसरा से प्यार ईटतान, आवा व्यवस्था अन पालन माळयान. 9 यतकी ईद की “व्यभचारि माळबाळेतीर, कोन्न बाळेतीर, चोरी माळबाळेतीर, लालच माळबाळेतीर,” अदकि इवरी बटिकु अदकि यातोद भी आग्या ईतीदाद रा सप्पा अन सारांश ई आग्या दा सकितद, “तान मान्ना हात्तीवाळेर से तान घाई प्यार ईट.” 10 प्यार तान संगी इन यागलु बुरा माळाल्द, इदुरसाटी प्यार माळोद ईद व्यवस्था अन पालन माळोद हुन.

* 13:6 १३:६ मत्ती २२:२१; मरकुस १२:१७; लूका २०:२५

11 समय इक अरूकु हगि अच माळी, इदुरसाटी की ईग नीम साटी जप्प दा टु येळोद समय होट बंदाद; यतकी याता समय नाव वशिवास माळीदेव, आ समय इन वचार देल ईग नाम उद्धार हातती आव. 12 ईळलक हापाळ आगेग्याद, अदकि व्हातुर आगदुर मा आद; इदुरसाटी नाव अंधकार इन क्याल्सागोळी त्यागस्कु ज्योर्ता इन हथयार कट कोडेव. 13 ह्यांग हागुल इक शोभा कोळतद, हांग अच नाव सीधा चाल ईट्टेव, ना की कामवासना अदकि पयिक्कळपन दा, ना व्यभचार अदकि लुचपन दा, अदकि ना झगळा अदकि डाह दा. 14 लेकीन प्रभु यीशु मसीह अन हथयार हुडु कोमी, अदकि तान मानव स्वभाव इन शरीर इन अभलाषागोळी पुरा माळदुर दा हतकु ईरबाळी.

14

आबुर दाबुरद न्याय माळबाळी

1 *जो वशिवास दा नरिबल आन, आऊक तान संगती दा ताकोमकोमी, लेकीन आऊन व्यक्तगित वचारगोळ मा झगळा माळोर साटी ईला. 2 ऊंद मंळसा अक वशिवास आद की सप्पा येनारा तनिद उचति आद, लेकीन जो वशिवास दा नरिबल आन आव साग पात अच तनितान. 3 तनिवाळा जो तनिलुन आऊक तुच्छ जान्स बाळुल, अदकि जो तनिलुन आव तनिवाळा मा दोष हचबाळुल; यतकी परमेश्वर आऊक ग्रहण माळ्यान. 4 नी याव हुय जो दुसरा अन सेवक मा दोष हचत्या? आऊन स्थरि ईरोद या बदिगोद आऊन स्वामी से अच संबंध ईटतद; बल्की आव स्थरि अच माळकु आदान, यतकी प्रभु आऊक स्थरि ईट सकतान.

5 यावारा रा ऊंद दनि इक दुसरा दनि से यक्कुल महत्वपुरण मान्सतान, अदकि यावारा सप्पा दनिगोळी ऊंदा घाई

मानसतान. हर ऊंद तांद अच मन दा नश्चय माळ कोमुल. 6 जो यातोदारा दनि इक महत्वपुर्ण मानसतान, रा आव प्रभु उक महत्वपुर्ण मानसतान. अदकि जो सब कुछ तनितान, आव प्रभु उन साटी तनितान, यतकी आव आंदुर भोजन इन द्वारा परमेश्वर उन धन्यवाद माळतान, अदकि जो मास बटिकु साग पात तनितान, आव प्रभु उन साटी तनिलुन अदकि परमेश्वर उन धन्यवाद माळतान. 7 यतकी नाम दा टु यावारा तान साटी जत्तिता आन, अदकि ना यावारा तान साटी सायतान. 8 अगर नाव जत्तिता आवेव, रा प्रभु उन साटी जत्तिता आवेव; अदकि अगर सायतेव, रा प्रभु उन साटी सायतेव; इदुरसाटी नाव जत्तिता ईत्तेव या सोत्तेव, नाव प्रभु नोर अच हुयेव. 9 यतकी मसीह इदुरदा साटी सोत्तुन अदकि जत्तिता भी आग्यान की आव सोत्तुरी अदकि जत्तिता आग्यार येदुदु मुंदुर प्रभु आगुल.

10 ❖ नी तान वार्ट उन मा येती दोष हचत्या? या नी बाक येती तान वार्ट उक तुच्छ जानसत्या? नाव सप्पा च्या सप्पा मुंदुर परमेश्वर उन न्याय सहिसन इन मुंद नदिरेव. 11 यतकी शास्त्र दा लखिसकु आद,

“प्रभु अनतान, नान जीवन इन करिया की हर ऊंद ट्वांगरा नान मुंद टकिसीत,
अदकि हर ऊंद ल्यालग्या ईद कबुल माळीत की ना परमेश्वर हुईन.”

12 इदुरसाटी नाम दा टु हर ऊंद मळसा परमेश्वर उक तान तान लेखा जोखा कोट्टान.

तान वार्ट उन कमजोर आगोद कारण बन्सबाळी

13 इदुरसाटी मुंद टु नाव आबुर दाबुर मा दोष हचतदिल, लेकीन नीव ईद ठानस कोमी की यावारा तान वार्ट उन मुंद ठोकर तनिकु पाप दा बळोद कारण बन्सबाळुल. 14 प्रभु यीशु दा ऊंद

आगदुर नाता देल ना नश्चिति जानसतीन यातोदारा वस्तु तांदुर देल अशुध्द हैलेच, लेकीन जो अदरी अशुध्द सम्सतान आऊन साटी अशुध्द आद. 15 अगर नीन वार्ट या आकतींग नीन भोजन इन कारण दुखी आगतार, रा बाक नी प्यार इन रीतिदेल नळाल; यदुर साटी मसीह सोत्तुन, आऊक नी तान भोजन इन द्वारा नाश माळबाळ. 16 यारी नीव भला मानसतीर आऊक यारीकु बुरा माताळगोळ बाळेतोर. 17 यतकी परमेश्वर उन राज्य तनिोद कुडोद ईला, लेकीन नयायीपन, शांती अदकि आनन्द जो पवतिर आत्मा कोळतद. 18 जो यावारा ई रीतिदेल मसीह अन स्यावा माळतान, आव परमेश्वर उक भाऊस्तान अदकि मंळसागोळ दा ग्रहण माळा लायक ठहरूसतान. 19 इदुरसाटी नाव आ मातगोळ दा हतकु ईत्तेव यऊर देल मेल मलिाप अदकि आबुर दाबुरी आत्मकि उन्नती दा मदत सकितद. 20 भोजन इन साटी जो परमेश्वर माळ्यान अदरी नष्ट माळबाळी. सप्पा येनारा शुद्ध रा आद, लेकीन आ खाना देल यारीकारा ठोकर हततद रा अद बेकार आद. 21 भला रा ईद आद कनि ना रा मास तनि अदकि ना रा सारा कुडू, अदकि ना रा हगि येनारा माळेत यदुर देल नीन वश्वासी वार्ट या आकतींग ठोकर तनिल. 22 नीन जो वश्वास ईरूल, अदरी परमेश्वर उन मुंद तांद अच मन दा ईट. धन्य आन आव जो आ मात दा, यदरी आव ठीक सम्सतान, तान तान इक दोषी ठहरूसालुन. 23 लेकीन जो लॉकुर संदेह माळकु तनितार आंदरी परमेश्वर दोषी ठहरूसतान, यतकी आंदुर कार्य वश्वास इन आधार मा हैलेच; अदकि जो येनारा वश्वास इन आधार मा हैलेच, अद पाप हुन.

15

दुसरा अक संतुष्ट माळी

1 इदुरसाटी नाव बलवानगोळी पायजे कि नर्बलगोळ्द नर्बलतागोळी सहन माळेव, ना कि तान तान इक संतुष्ट

माळेव. 2 नाम दा टु हर ऊंद तान मान्ना अन आंदुरद भलाई इन साटी खुश माळेव ताकी आंदुरद वशिवास दा उन्नती आगुल. 3 यतकी मसीह तान तान इक खुश माळीदील, लेकीन ह्यांग शास्त्र दा लखिसकु आद: “नीन अपमान माळावाळेर्द अपमान नान मा बंदकु बदिद.” 4 यास मातगोळ पयले टु लखिसकु आग्याव, अव नाम्द अच शकिषा अन साटी लखिसकु आग्याव कि नाव धीरज अदकि शास्त्र अन प्रोत्साहन द्वारा आशा ईटुल. 5 धीरज अदकि शांती अन दाता परमेश्वर नीमी ईद वरदान कोळुल कि मसीह यीशु अन अनुसार आपस दा ऊंद मन ईरी. 6 ताकी नीव ऊंद मन अदकि ऊंद स्वर दा नाम प्रभु यीशु मसीह अन आप्प परमेश्वर उन स्तुति माळी.

7 इदुरसाटी, ह्यांग मसीह परमेश्वर उन महिमा अन साटी नीमी ग्रहण माळयान, हांग अच नीव भी आबुर दाबुर इक ग्रहण माळी. 8 इदुरसाटी ना अनतीन कि जो वादागोळ आप्प दादागोळी कोटकु आगीदव अवरी मजबूत माळोर साटी मसीह, परमेश्वर उन सच्चाई इन प्रणाम कोळोर साटी, यहूदी लॉकुरद सेवक बनसदुन; 9 अदकि गैरयहूदीगोळ भी दया अन कारण परमेश्वर उन स्तुति माळुल; ह्यांग शास्त्र दा लखिसकु आद, “इदुरसाटी पुरा राष्ट्र दा नीन धन्यवाद माळाईन, अदकि नीन हेसुर इन भजन हाळाईन.”

10 बाक अंदान,

“हे गैरयहूदीगोळ,

परमेश्वर उन नविळुसुद लॉकुर सांगुळ आनन्द माळी.”

11 अदकि बाक,

“हे गैरयहूदीगोळ सप्पा लॉकुर, प्रभु उन स्तुति माळी;

अदकि हे राष्ट्र अन लॉकुरा, आऊक समसी.”

12 अदकि बाक यशायाह अनतान,

“यशै अन ऊंद वंशज प्रगट आदीत,

अदकि आव गैरयहूदीगोळ मा शासन माळ्यान,
अदकि आ लॉकुर आऊन मा आशा ईट्यार.”

13 परमेश्वर जो आशा अन दाता आन नीमी वश्वास माळदुर
दा सप्पा प्रकार इन आनन्द अदकि शांती देल परपुर्ण माळुल,
कफि पवत्रि आत्मा अन सामर्थ्य देल नीम आशा वाळुसतेला
होगुल.

साहस देल लखिसोद कारण

14 हे नान वारटुरा अदकि आकतीगेरा, ना खुद नीम बारा दा
सही दा जानसतीन कफि नीव भी खुद अच भलाई देल तुमकु
अदकि ईश्वरीय ग्यान देल भरपुर आईर, अदकि आबुर दाबुर
इक कलस सकी. 15 तरी भी ना येल्यारा-येल्यारा याद दलिसोर
साटी नीमी जो हापाळ हम्मित माळकु चट्टी लखिसदीन.
ईद आ अनुग्रह अन कारण आत जो परमेश्वर नानी कोट्टान,
16 कफि ना गैरयहूदीगोळ साटी मसीह यीशु उन सेवक आगकु
परमेश्वर उन खुशखबरी इन स्यावा याजक उन घाई माळाईन,
यदुर देल गैरयहूदीगोळ मानसी चळुसकु आगोद, पवत्रि आत्मा
देल पवत्रि बन्सकु ग्रहण माळकु आगुल. 17 इदुरसाटी आ
मातगोळ बारा दा जो परमेश्वर उन से संबंध ईटताव, ना मसीह
यीशु दा बळाई माळ सकतीन. 18 यतकी आ मातगोळी बटिकु
नानी अदकि यातोदु मात इन बारा दा अनोद हम्मित हैलेच,
जो मसीह गैरयहूदीगोळ हात्ती ता अन साटी वचन, अदकि
कर्म, 19 अदकि चमत्कारगोळ, अदकि अदभुत क्यालसागोळ
सामर्थ्य देल, अदकि पवत्रि आत्मा अन सामर्थ्य देल नांद
अच द्वारा माळकु आदव; ईल ताका कफि ना यरूशलेम टु ताकोमकु
नाकु दी इल्लुरकुम ताका मसीह अन खुशखबरी इन पुरा पुरा
प्रचार माळदीन. 20 लेकीन नान मन इन उमंग आद कफि
येल येल मसीह अन हेसुर ताकोमकु आगीदील, अदा खुशखबरी
केळसाईन ताकी हगि आगबाळुल कफि दुसरा अन पायवा मा

मानना माळाईन. 21 लेकीन ह्यांग शास्त्र दा लखिसकु आद हांग अच आगुल, “यारी आऊन खुशखबरी पोहचुसीदील, आंदुर अच नोळ्यार अदकि यार केळीदील आंदुर अच समस्यार.”

रोम यात्रा अन पौलुस उन योजना

22 ✨इदुरदा साटी ना नीम हाती बरोर से घळी घळी थाम्सकु ईत्तीन. 23 लेकीन ईंग ई दयाशगोळ दा नान क्याल्सा अन साटी अदकि जागा ईतीदील, अदकि हापाळ साल टु नानी नीम हाती बरोद लालच आद. 24 इदुरसाटी याग ना स्पेन इक होगार्इन रा नीम हाती टु आगतेला होगार्इन, यतकी नानी आशा आद की आ यात्रा दा नीम से मुलाकात आदीत, अदकि याग नीम से सीकाईन रा नीव नानी येनारा दुर मुंद पोहचुस बुळेतीर. 25 ✨लेकीन ईगल्या रा ना परमेश्वर उन लॉकुरद स्यावा माळोर साटी यरूशलेम इक होगतीन. 26 यतकी मकदिनया अदकि अखाया अन लॉकुरी ईद वळलीद हत्त की यरूशलेम इन पवतिर लॉकुर दा नरिधनगोळ साटी येनारा चंदा माळुल. 27 ✨आंदरी वळलीद रा हत्त, लेकीन आंदुर आंदुरद कर्जदार भी आर, यतकी अगर गैरयहूदीगोळ आंदुरद आत्मकि मातगोळ दा भागी आदुर, रा आंदरी भी उचति आद की शारीरकि मातगोळ दा आंदुरद स्यावा माळुल. 28 इदुरसाटी ना ईद क्याल्सा पुरा माळकु अदकि आंदरी ईद भेंट कोटकु नीम हाती टु आगतेला स्पेन इक होगार्इन. 29 अदकि ना जान्सतीन की याग ना नीम हाती बराईन, रा मसीह अन पुरा आर्शवादगोळ सांगुळ बराईन.

30 हे वारटुरा अदकि आकतीगेरा, नाम प्रभु यीशु मसीह अन अदकि पवतिर आत्मा अन प्यार इन याद दलिस्कु ना नीम से वनिती माळतीन, कानान साटी परमेश्वर से प्रार्थना माळदुर दा नान सांगुळ हतकु ईरी 31 की ना यहूदिया अन अवशिवासी

✨ 15:22 १५:२२ रोमियों १:१३ ✨ 15:25 १५:२५ १ कुरिन्थी १६:१-४ ✨ 15:27 १५:२७ १ कुरिन्थी ९:११

लॉकुर से ऊळ्दकु ईराइन, अदकि नान अद स्यावा जो यरूशलेम इन साटी आद, परमेश्वर उन लॉकुरी पंसद बरूल; ³² अदकि ना परमेश्वर उन इच्छा देल नीम हाती आनन्द इन सांगुळ बंदकु नीम सांगुळ आराम माळाईन. ³³ शांती अन परमेश्वर नीम सप्पा मुंदुर सांगुळ ईरूल. आमीन.

16

व्यक्तगत अभिवादन

¹ ना नीम से फीबे अन साटी जो नाम आकतींग अदकि कखिरिया अन मंडली नोर सेवका आर, वनिती माळतीन ² क नीम, ह्यांग क परमेश्वर उन लॉकुरी पायजे, आकी प्रभु दा ग्रहण माळी; अदकि यातोदारा मात दा आकी नाम जरवत आद, आकनि मदत माळी, यतकी आक भी हापाळ मुंदुरद बल्की नान भी मदत माळावळ्त्त ईतार.

³ ✧ प्रसिका अदकि अक्वला अक जो मसीह यीशु दा नान सहकर्मी आर, नमस्कार. ⁴ आंदुर नान जीव इन साटी तांद अच जीवन जोखमि दा हाक बुटीदुर; अदकि सरिफ ना अच ईला, बल्की गैरयहूदीगोळ्द सप्पा मंडलीगोळ भी आंदुरद धन्यवाद माळतद. ⁵ आ मंडली अक भी नमस्कार जो आंदुर मान्या आद. नान प्रयि इपैनतिस उक, जो मसीह अन साटी आसिया प्रांत इन पयला फल आद, नमस्कार. ⁶ मरयिम इक, याक नीम साटी हापाळ मयनत माळदुर, नमस्कार. ⁷ अन्दरुनीकुस अदकि यूनियास उक जो नान घरजनी नोर आर, अदकि नान सांगुळ कैद आगीदुर अदकि प्रेरतिगोळ दा हेसुर वाळेर आर, अदकि नान से पयले मसीह आगीदुर, नमस्कार. ⁸ अम्पलियातुस उक, जो प्रभु दा नान प्रयि संगी आन, नमस्कार. ⁹ उरबानुस उक, जो मसीह दा नाम सहकर्मी आन, अदकि नान प्रयि इसतखुस उक नमस्कार. ¹⁰ अपुल्लोस उक जो मसीह दा सही होट्टुन,

✧ 16:3 १६:३ प्रेरतिगोळ १८:२

नमस्कार. अरसितुबुलुस उन घराना इक नमस्कार. 11 नान रशितेदार हेरोदयोन यहूदी संगी इक नमस्कार. नरकसिसुस उन घराना इन जो लाँकुर प्रभु दा आर, आंदरी नमस्कार. 12 त्रूफेना अदकि त्रूफोसा अक जो प्रभु दा मेहनत माळतार, नमस्कार. प्रयि परिससि उक, याव प्रभु दा हापाळ मेहनत माळदुन नमस्कार. 13 रूफूस उक जो प्रभु दा नविळुसकु आन अदकि आऊन मोय इक, जो नान भी मोय उर, येढु मुंदरी नमस्कार. 14 असुंकरतिस, फलिगोन, हरिमेस, पत्रुबास, हरिमास अदकि आंदुर सांगुळ इन वार्टुर अदकि आकतीगेरी नमस्कार. 15 फलितुगुस, यूलिया, नेर्युस अदकि आकनि आकतींग, अदकि उलुम्पास अदकि आंदुर सांगुळ इन सप्पा परमेश्वर उन लाँकुरी नमस्कार. 16 आपस दा पवतिर चुमबन देल नमस्कार माळी. नीमी मसीह अन सप्पा मंडलीगोळ दी टु नमस्कार.

आखरी नरिदेश

17 ईग हे वार्टुरा अदकि आकतीगेरा, ना नीम से वनिती माळतीन, कि जो लाँकुर आ शक्षिा अन वपिरीत, जो नीमी सकियाद, फूट हाक्कोद अदकि ठोकर तनिसोद कारण बनसतार, आंदरी अरुत कोमी अदकि आंदुर से दुर ईरी. 18 यतकी हगि लाँकुर नाम प्रभु मसीह नोर आल्लच, लेकीन तान व्हाट्टा अन स्यावा माळतार; अदकि चकिना चुपळा मातगोळ देल सीधा साधा मन इन लाँकुरी बयकुस बुळतार. 19 नीम आग्या मानसोद चर्चा सप्पा लाँकुर दा फैलुसेत, इदुरसाटी ना नीम बारा दा आनन्द माळतीन, लेकीन ना ईद चाहासतीन कि नीव भलाई इन साटी बुद्धमिान लेकीन बुराई इन साटी भोला बनसकु ईरी. 20 शांती इन परमेश्वर शैतान उक नीम कालगोळ देल राटनेरी मेटसुस बुट्टान.

नाम प्रभु यीशु मसीह अन अनुग्रह नीम मा आगतेला ईरूल. ²¹ ✧ नान सहकर्मी तीमुथियुस उन, अदकि नान घराना इन लूकियुस, यासोन अदकि सोसपितरुस ई नान यहूदी संगीगोळ्द नीमी नमस्कार. ²² ना चट्टी लखिसावाळा तरितियुस उन, प्रभु दा नीमी नमस्कार. ²³ (२४) ✧ गयुस जो नान अदकि मंडली अन पाहुनचार माळावाळा आन, आऊन नीमी नमस्कार. इरास्तुस जो नगर इन भंडारी आन, अदकि वार्ट क्वारतुस उन नीमी नमस्कार. ²⁴

परमेश्वर उन स्तुति

²⁵ आ परमेश्वर उन महमि आगुल नीम विश्वास ईग जो नीमी नान खुशखबरी मतलब यीशु मसीह अन संदेश इन प्रचार इन अनुसार स्थरि माळ सकतद, परमेश्वर उन ई रहस्य पुर्ण सत्य युगयुग टु होचकु ईरोद, ²⁶ लेकीन ईग परगट आगकु सनातन परमेश्वर उन आग्या देल भवषियवकतागोळ्द कतिबगोळ द्वारा सप्पा जातीगोळी हेळकु आग्याद कि आंदुर विश्वास देल आग्या मानसावाळेर आगुल, ²⁷ आवा सर्फ ऊंद बुद्धमिान परमेश्वर उन यीशु मसीह अन द्वारा हमेशा हमेशा महमि आगतेला ईरूल. आमीन.

✧ 16:21 १६:२१ प्रेरतिगोळ १६:१
कुरन्थि १:१४; २ तीमुथियुस ४:२०

✧ 16:23 १६:२३ प्रेरतिगोळ १९:२९; १

परमेश्वर उन खरा वचन

**The Holy Bible in the Holiya language of India: परमेश्वर
उन खरा वचन**

copyright © 2020 The Word for the World International

Language: Gohllaru (Holiya)

Contributor: The Word for the World International

परमेश्वर उन खरा वचन
व्हाशोद नयिम, 2020

The New Testament in Holiya Language

The Word for the World International

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-08

PDF generated using Haiola and XeLaTeX on 21 Feb 2024 from source files dated 9 Apr 2023

3943f9d0-5b35-54ad-8e8f-1b7bf74924c6